


NTHENGWA NA KUPATANA

 Tiyeni ise tisindamiske mitu yithu pa kanyengo kuti tirombe. Dada withu Wauchizi chomene, ise tikumuwongani Imwe mlenji uwu chifukwa cha mwaŵi uwu wa kuŵa kuno mu nyumba iyi yakukumaniranamo, kukumana na vyakuchitika vya zuŵa. Kweni ise nthā tikumanya icho zuŵa latisungira, kweni ise tikumumanya Uyo wakusunga zuŵa. Ntheura ise tikuromba kuti Iyo Uyo wakusunga muhanyauno na machero, na Umuyaya wose, watitumbikenge ise muhanyauno apo ise tawungana pamoza mu Zina Lake, mwakuti ise panyake tingamanya makora umo tingakhalira umoyo wakuti timutumikire Iyo. Uku ndi kukhumba kwithu kwakukwanira, Ŵadada. Chiuta, Uyo wakumanya mitima yithu, wakumanya uwu ndi unenesko. Ise tikujipereka taŵene kwa Imwe, pamoza na—chigaŵa chakunthazi cha zuŵa, ku uteweti Winu, mu Zina la Yesu Khristu. Amen.

Mungakhala pasi.

² [M'bale Branham wakuyowoya kwa munyake pa gome—Munozgi.] Nakuwonga iwe. Apa pali yumoza munyake apa.

³ Mlenji uweme, gulu lakuwoneka muno na gulu lambura kuwoneka kutali charu chose uko ise talumikizika mlenji uwu. Ichi chikundipa ine mwaŵi ukuru kuti ndifike kuno na kuti ndiyowoye mlenji uwu pa chisambizgo chakukhumbikwira ichi. Ku gulu liri muno, ichi nadi ndi chakutimbanizga pachoko, chifukwa kunthazi waka kwa ine kuli makatani, ntheura ine nkhuylenea kuyowoya ku ŵakumaryero na ŵakumazere. Ndipo ku gulu lambura kuwoneka muno, ine ndiri na holo ku maryero kwane, ndipo kweniso chipinda chakuseŵereramo kumazere kwane; ndipo ine ndiri pakatikati, na makani ghakujurika pakatikati, kupanganga woko lane lamaryero na lamazere. Ndipo ise tiri nawo kuwaro na mkati, mlenji uwu, mu holo, kweniso chipinda chakuseŵereramo, ndipo kweniso mu tchalitchi, tchalitchi kusika ku Eighth na Penn Street. Ndipo mu malo ghakuzura mkati na kuwaro, kachitiro ka telefoni kakutorera ichi kusika ku malo ghanyake.

⁴ Ise takhala tikuŵa na nyengo yiweme mwa Fumu, ndipo ise tiri pasi pa kukhazga kukuru ku uteweti uwu mlenji uwu. Ndipo sono usiku uwu pakuŵa nyengo yakujalira ya mazuŵa ghanayi agha gha chisokole, chifukwa, ise nadi tikumuchemani mose imwe, imwe mungafiska, kuti muzakaŵe kuno. Ise tikugomezga kuti Fumu yitipenge ise chikuru chomene usiku uwu pa kuchita chinyake mwachilendo chomene, kufikira kuti Iyo wachizgenge ŵarwari wose na kuchita vinthu vikuru ivyo Iyo

wakuchita nyengo zose. Ndipo ise tiri pasi pa kukhazga kukuru ku chakumise. Gulu likuchemeka mwachimwemwe, waliyose, mpingo uliwise wa bungwe lililose. Imwe nthā mukwenera kuŵa nanga ndi Mukhristu; ise nadi tikuchema ŵakwananga kuti ŵafike, ŵakhale pakati pithu. Ndipo ise tikuchita chiweme chomene kuti tiŵasambizge iwo icho ndi nthowa ya Fumu, mwakuti ise panyake tingakhala ŵamoyo.

⁵ Sono ine nkhuomezga kuti gulu nthā lichitenge mantha. Ndipo ine nkhuomezga kwa Chiuta kuti ine nthā ndichitenge mantha, pakuti ine nanguŵa na usiku uweme, kuyezeska kukuru chomene. Pakuti ine nkhuhanikizga kuti vinthu ivyo ine nkhuoyoya mlenji uwu ndizamkufumbika navyo pa Zuŵa la Cheruzgo, ndipo ine—ine nkhatondeka kugona, ndipo ine nkhumanya usange ine nthā nkhuviyowoya ivi ichi ndizamkufumbika nacho pa Zuŵa la Cheruzgo. Ntheura ichi chikupanga ichi chinonono, imwe mungachirongosola chara ichi.

⁶ Ndipo sono mlenji uwu ndi chisambizgo chikuru chira ise tiyowoyengapo pa *Nthengwa Na Kupatana*. Ndipo chifukwa icho ine nangupangira ichi kuŵa Sande sukulu, mwakuti ise tingamanya kuyowoyapo za ichi na kutora nyengo yithu, m'malo mwakupharazga upharazgi pa ichi. Ichi ndi chisambizgo kufuma mu Malemba.

⁷ Ndipo ine—ine nkhuukhumba kuti ndiyowoye kuti, usange mupharazgi munyake waliyose panji ŵapharazgi, kumalo kulikose, usange tepi iyi vingachitika kuti yawa mu mawoko ghawo, usange ise tatumizga tepi iyi. Ine nkhumanya chara icho mpingo uzamkuchita za ichi. Ine nkhupepmpa M'bale Fred kuti wakumane na ŵakuruŵakuru pambere iyo wandayitumizge tepi iyi. Ndipo kwa imwe mwaŵanthu kuwaro charu chose, imwe mwatchera vyinu vyakujambulira matepi, chonde mungazomerezganga chara tepi yirute pekhapekha imwe mupulike kufuma kwa M'bale Sothmann za ichi.

⁸ Sono, ndipo usange iyi yatumizgika, ndipo ŵabale ŵane ŵanyake ŵapharazgi, panji Mukhristu munyake waliyose kumalo kulikose, uyo wangamanya kusuka pa vinthu ivyo ine nkhuoyowoya za chisambizgo ichi, ine—ine nkhuomezga kuti imwe nthā mususkenge Ichi. Usange imwe nthā mukupulikiska Ichi umo ine nkhusambizgira Ichi, inya, imwe muli nawo wanangwa ku icho, ngati mupharazgi, ngati mliska. Ndipo ine nkhuuchindika chirichose icho imwe mukugomezga.

⁹ Ndipo pali vigaŵa vikuruvikuru viŵiri pa ichi. Ndipo usange pali mafumbo ghaŵiri, liripo limoza la igho likwenera kuŵa launenesko, panji palije limoza la igho ndaunenesko. Mwantheura ise tiyezgenge kuti tilaŵiske ku Mazgu gha Chiuta, mlenji uwu, kuti tikhazikiske ichi. Kwa ine, usange ndi fumbo la mu Baibolo, Baibolo nadi liri na zgoro ku ili.

¹⁰ Ndipo sono pambere ise tindaŵe waka na ivi, kuyambapo chisambizgo ichi, mphanyiko, pambere ine nindarombere Mazgu, ine nkikhumba kuti ndiyowoye kwa waliyose wa imwe, kuti ine...imwe Ŵakhristu chomenechomene, kuti ine nkikhumbisiska...Ine—ine nkikhumba kuti imwe mundirombere ine mlenji uwu. Na wose kuwaro mu gulu la ŵambura kuwoneka awo ŵakutegherezga mlenji uwu, mundirombere ine, chifukwa ine nkikhumba kuŵa wakugomezga ndiposo muneneska.

¹¹ Sono ise tikumanya, mu kuyowoya makani agha, munyake, usange ndi munthu yumoza pera, wakoreskenge ku Ichi ngati Ichi changuŵa pakatikati pa umoyo na nyifwa. Pali ŵanandi ŵa imwe muno ŵarutenge ŵakugomezga. Nkhumanya, ŵanandi ŵa imwe, panyake, ŵachitenge chara. Kweni ine nkhumanya, mu utumiki wane, ŵaliko ŵanthu awo ŵakwiza kuzakategherezga kwa ine, na kutegherezga ku icho ine ndiri nacho chakuti ndiyowoye; kufumira, inya, iwo ŵakhala nkhanira mwenemuno mlenji uwu, vyaru vyose, kufumira ku vinandi vya United States, Canada, na kusirya kwa nyanja. Ndipo imwe mungaghanaghanira kupanikizgika uko ichi chikukuŵikamo iwe, kumanya kuti ulendo Wamuyirayira wa munthu yura wagoni mu mawoko ghako, chifukwa iyo wakoreskenge ku ivyo iwe ukuyowoya. Mwantheura Chiuta wazamkupanga ine kukazgora pa ichi, ndipo ine nkikhumba kuti ndipharazga ichi mu unenesko umo ine ningachitira.

¹² Sono ine—ine nkhipempha ŵalongosi ŵithu. Ndipo ine nangusintha mazgu ghane ghanyake mwakuti ine ningamanya kuyowoya ichi panthazi pawo. Billy wali navyo mu thumba lake, mlenji uwu, kuwaro uko, vinthu vinyake ivyo ntha vingamanya kuyowoyeka panthazi a—a pagulu lakusazgikana. Ndipo vinyake ivyo ine panyake ndiyowoyenge, imwe mukwenera kupulikiska. Torani ichi ngati chafumira—chafumira kwa m'bale winu, umo ine nkhumanyira makora chomene. Imwe mungamanya kukhala mu ofesi ya dokotala na kutegherezga kwa iyo, iyo wayowoyenge mazgu ghapakweru chomene kwa imwe. Ndipo ŵanyake ŵa imwe madona ghanichi na ŵanarumi ŵanichi, ine nkikhumba chara kuti imwe mupulike mwaujira. Ine nkikhumba kuti imwe mugomezga, ndipo mukhale waka chete. Kumbukirani, Unenesko ukwenera kuti uyowoyeke Unenesko.

¹³ Ndipo, sono, kwambura nkhaiyiko kweni paŵenge ŵanandi ŵa imwe ŵasuskanenge na icho chiyowoyekenge, kweni ine nkikhumba kuti ndisimikizgire ichi kwa imwe mwa Baibolo. Ndipo nthaura ine nkhipomezga, usange imwe muŵenge waka ŵantchindi na kutegherezga, mwantheura imwe muŵenge na kapulikiskiro kaweme na kalaŵiskiro za icho ine nakhala nkHUDIDIMIZGAPo, nyengo yose. Ine nkhipomezga ichi chirongosorengeni ichi, ndipo ine nkhipomezga kuti ichi chichitenge.

14 Sono ise panji titorenge nyengo yitali pachoko, ora na hafu, panji kutalikirapo, pa ichi. Ine nkhumanya chara kasi uwu utorenge nyengo yitali uli.

15 Ndipo sono kamozaso, ine nkhuKhumba ndiyowoye kuti, mu nyengo iyi, kuti, pakumanya kuti wanthu wakukoreska ku mazgu ghako; iwo wakuchita, kwa mliska wawo. Ndipo, nkhumanya, ine ndakhalapo pa uliska.

16 Ndipo iwo wakukoreska ku mazgu gha mliska, ngati ichi chikaŵa waka pakatikati pa nyifwa na umoyo. Iwo wakukoreska ku mazgu gha wasembe wawo, ngati ichi chikaŵa waka pakatikati pa nyifwa na umoyo. Ndipo nkhumanya, mliska, panyake na vyose ivyo iyo wakumanya umo wangachitira, iyo wakuwasambizga wanthu wake ndendende ngati ndiumo iyo wakasambizgikira mu seminare; kwambura nkhaiyiko kweni icho wasembe, nayoso, mu visopo vyakupambanapambana ivyo viri na wasembe. Nkhumanya, mliska ndi wasembe nadi; uyu ndi mukhalapakati. Ntheura, usange wasembe, mu vyose ivyo iyo wali kusambizgika mu yake, mu seminare na mu nyumba zakulumbiriramo, mwanarumi mu unenesko ukuru wakuwaphalira ndendende icho wali kusambizgika.

17 Inya, ntheura, ine ndirije chakundichitikira cha seminare panji chakundichitikira cha nyumba zakulumbiriramo, ndipo ndirije chakususka chirichose, kweni ine ndiri na umoyo wachilendo chomene.

18 Ine nkachemeka apo ine nkhaŵa waka mnyamata muchoko. Ndipo mu ichi mukaŵa chakuwoneka, chimanyikwiro chakupulikikwa chikaperekeka kwa ine, a—Laŵi la Moto kulenderanga mu chiwati, pa msinkhu wa virimika seveni, nkhanira kuno pa Utica Pike. Adada wane wakagwiranga ntchito kwa Mr. O.H. Wathen uyo wafwa mwasonosono. Ndipo imwe muli kuwazga buku, imwe mukuyimanya nkhani. Ndipo kufumira nyengo yira...Kusika pa mronga ntheura Ichi chikawoneka pakweru panthazi pa wanthu. Ndipo sono Ichi chikaŵa na chithuzithuzi chake chakujambulika, nyengo zinandi, ndipo ichi chiri kupayikika mu Washington, DC, ngati chimanyisko chakuzomerezgeka, mu Religious Hall of Art, ngati Munthu wauzimu yekha pera uyo wakasimikizgika mwasayansi kuti wakajambulika; Laŵi la Moto lenelira, ndendende mu kawonekero kenekala na lwandi lililose, ilo likafumiska Israel mu Egipto. Ine nkhuomezga Ichi ndi Yesu Khristu mu kawonekero ka Mzimu, mu Umwana wa Chiuta.

19 Pakuti Iyo wakachemeka “Mwana wa munthu” para Iyo wakiza pakudanga, sono Iyo wakuchemeka “Mwana wa Chiuta,” mu Mileniyamu Iyo wazamkuŵa “Mwana wa David.” Iyo wakiza Mwana wa munthu, Muprofeti, umo kukayowoyekera za Iyo; sono Iyo ndi Mwana wa Chiuta, mu uzimu; mu Mileniyamu mukuru uyo wati wizenge, Iyo wazamkuŵa Mwana wa David,

wakhala pa chizumbe cha David. Umo wose wakuwazga Baibolo wakumanya kuti ilo ndi phangano Lauzimu na Chiuta, kwa David, Iyo wati wawuskenge Mwana Wake kuti wakhale pa chizumbe chake.

²⁰ Ndipo sono mu wakuziziswa, utumiki wachilendo, ine ndiri kuzunurika chirichose kufuma ku “Chiuta” kufika ku “chiwanda.” Ndipo icho, nyengo zose ichi chikuwa nthaura.

²¹ Icho ndicho bishop mulara uyu wa mpingo wa Katolika wakayowoya kwa ine usiku unyake kusika kula, uko kukaŵa kudumbirana, kuti iyo wakati, “M’bale Branham, Yohane Mubapatizi wakajimanyiska iyoyekha pakweru mu Malemba, umo kukayowoyekera na muprofeti Yesaya.” Iyo wakati, “Utumiki wako ngwakumanyikwa makora mu Mpingo.” Iyo wakati, “Ŵa Luther ŵalimo mu Baibolo.” Iyo wakati, “Ŵa Luther wakumumanya Luther. Ŵa Wesley wakumumanya Wesley. Kweni kasi kuli uli na ŵa Pentekoste?” Wakati, “Iwo wakuyingayinga. Iwo wakumanya chara uko ŵangaruta.”

Ndipo ine nkhati, “Bwana, ine nkhuwonga icho.”

²² Ndipo yikaŵa nyengo yenyeyira Mzimu ukafika pa dona, wakaŵa wandaniwonopo ine, muwoli wake . . . ndipo ukayowoya ndipo ukamanyiska vinthu vyenevira.

²³ Sono, kuŵa muneneska, panthazi pa Uthenga uwu ine nkhuwoyoya mlenji uwu, ine nkhumanya chara. Ine nkhamuphalira iyo, ine nkhati, “Bwana, ine ningayowoya chara icho. Icho ndi chinthu chikuru chomene kuchiyowoya. Ichi chikuwoneka ngati ichi.”

²⁴ Chinthu chimoza icho ine nkhumanya, ntchakuti chiripo chinyake chiri kuchitika, nadi. Vinthu vyose ivi, mbwenu, chiri kusimikizgika mwasayansi, na kusimikizgika kuzungulira na kuzungulira charu, ichi ntha chingamanya kuŵa waka nkhani. Ndi Unenesko. Kasi ntchichi ichi? Rekani ine ndiyowoye, mwakuzomerezga, pambere ine nindayowoye kwa imwe mlenji uwu, ine nkhumanya chara. Ndipo ine ningachita chikanga chara kupanga kusuntha kulikose mpaka ine ndipulike kufuma kwa Iyo uyo wakayowoya kwa ine kale ndipo wakandiphalira ine vinthu ivi.

²⁵ Kumbukirani, Fumu yithu Yesu Khristu ntha wakajimanyiska Iyoyekha ngati Mwana wa Chiuta. Iyo wakati, “Imwe mwanguti Ine nkhaŵa; kufika ku umaliro uwu uko Ine nkhababikira,” na vinyake nthaura, kweni Iyo ntha wakajimanyiska Iyoyekha.

²⁶ Ndipo, sono, lira likaŵa Laŵi la Moto ilo likarongozga ŵana ŵa Israel, wakaŵa Fumu Yesu Khristu mu kawonekero ka Mzimu, (imwe mukugomezga icho?), Logos ilo likafuma mwa Chiuta. [Gulu likati, “Amen.”—Munozgi.]

27 Ndipo ntheura para Iyo wakaŵa pa charu chapasi, Iyo wakati, “Ine nkhwiza kufuma kwa Chiuta, ndipo Ine nkhuruta kwa Chiuta.” Ise tose tikumanya icho.

28 Ndipo pamanyuma pa nyifwa Yake, kusungika, na chiwuka. Sauli wa ku Tarso wakaŵa pa ulendo wake wakuruta ku Damaseko, kuti wakazikizge a—Ŵakristu, chifukwa iwo ŵakasambizganga vinthu vyakususkana na ivyo iwo ŵakasambizgika. Ndipo iyo wakaŵa wankhondo mukuru; pasi pa Gamaliyeli, yumoza wa ŵasambizgi ŵakumanyikwa chomene mu nyengo yira, mu sukulu yawo, nyumba yawo yakulumbiriramo; ndipo munthu mukuru, ndipo waudindo wa pa mpingo. Ndipo kukaŵa kwenekula kuti Kuŵara kukuru, Laŵi la Moto kamoza, likamutchaya iyo wakawa pasi, pakatikati pa muhanya. Ndipo Lizgu likati, “Sauli, Sauli, kasi ukundizikizgirachi Ine?”

29 Sono usange imwe mukuwona para Paulos, Sauli, wakati wauka, iyo wakati, “Fumu, Kasi ndimwe njani Imwe?” Sono, mnyamata yura, pakuŵa muYuda, iyo nadi nthena wakazunura chinyake chara, pekhapekha ichi chikaŵa chinyake chikayimira Chiuta, iyo nthana nthena wakazunura ichi “Fumu.” Ntheura, Ili likaŵa Laŵi la Moto lenelira.

30 Umo Yesu wakayowoyera, “Ine nkhuruta kwa Chiuta. Ine nkhuza kufuma kwa Chiuta, ndipo Ine nkhuwerera kwa Chiuta.”

31 Iyo wakaŵa apo, kuwerera mu kaŵiro ka Laŵi la Moto kamoza; Iyo wakati, “Ine ndine Yesu Uyo iwe ukuzikizga; ndipo ntchinonono kwa iwe kuti ulimbane na minga.”

32 Ndipo ise tikumanya kuti para Mpostole Petros, kwa uyo makiyi ghakaperekeka kuti wazengepo Mpingo, ise tikusanga kuti iyo wakaŵa mu gadi, ndipo Laŵi la Moto leneliri likanjirira mu vidangazi, likajura miryango ya gadi, ndipo likamufumiskira Petros kuwaro, mwakuziziswa, kwambura kutimbanizga nanga ndi mlonda. Kwa ine, Ichi ndi Yesu Khristu mweneyura mayiro, muhanyauno, na muyirayira.

33 Ndipo ntheura imwe nyengo zose muchimanyenge chirichose mwa vyakuchitika vya ichi. Chirichose chikumanyikwa na vyakuchitika vyake, chipaso ichi chikupambika. Ndipo ine nkhumurombani imwe kuti muwone mtundu wa chipaso Ichi chikupambika, Kuŵara uko ndi Chiuta, chifukwa Ichi nyengozose chikuwerera ku Mazgu gha Chiuta, ndipo chikusimikizgira Mazgu gha Chiuta, chikupharazga Mazgu gha Chiuta, ndipo Chiuta wakusimikizgira Mazgu ghara mwakuwonekera ntheura panthazi pinu. Kukwenera kuti kuŵe chinyake kunyuma kwa Ichi.

34 Ŵanthu ŵali kundichema ine muprofeti. Ine nthana nkhujichema ndekha muprofeti, chifukwa ine ningaŵa nacho chara chikanga kuyowoya icho, kweni ine nkhuwenera... Ndiyowoye, ine ningamanya kuyowoya ichi, kuti Fumu yiri

kundizomerezga ine kuwona vinthu vyakunthazi, kuyowoya vinthu ivyo viri kuchitika, vizamkuchitika, vikuchitika, ndipo palije nyengo yimoza ichi chiri kutondekapo, mu nyengo za makhumi gha masauzandi. Chirichose Iyo wakayowoya kuti chizamkuchitika, chikachitika. Ise tose tikumanya icho. Usange walimo munthu mu gulu ili lakuwoneka mlenji uwu, panji kunyake kulikose, wangamanya kuyowoya kuti nyengo yimoza ichi chikatondeka, iwe uli na wanangwa kuyimirira na kuyowoya nthaura. Kweni usange waliyose wakumanya kuti nyengo yiriyose, nyengo za kwandaniskika masauzandi, ichi chiri kuwa nkhanira ndendende, yowoyani, “amen.” [Gulu likuti, “Amen!”—Munozgi.] Mukuwona? Nthaura icho chiwenge chinthu chenechira charu zingirizge.

³⁵ Chinyake chiri waka pafupi kuti chichitike. Chiuta ntha wakutuma vinthu ivi kwambura kuwa na chakurata kunyuma kwake.

³⁶ Ine naghanaghananga waka apa. Ine nanguwika ichi apa, chimoza cha manotisi ghane. Kuti ine ndavwara mlenji uwu, vyakumangira mawoko gha shati. . . Ndipo wanandi wa imwe muli kupulika za kaswiri uyu wa pa senema, Jane Russell, ndipo mama wake ndi wa Pentekoste; ndipo Danny Henry ndi muvyara wake, muvyara wake wakudanga, mwana wa munung’una wa mama wake. Iyo waka wa wa Baptist. Iyo wakayimirira pa ungoro, ungoro wa Wanthu Wamalonda mu Los Angeles, California, virimika viwiri vyajumpha.

³⁷ Ndipo ine nkha wa kuti ndamalizga waka kuyowoyanga za ghakuru, ghankhongono, makani ghakuru; kuti nanga ndi mulawiriri, yumoza wa wala wiliri wakuru wakuru wa Assemblies of God, wakakhirira pasi ku gome kufumira m’chipinda cha muchanya uko iyo wakakhala, ndipo iyo wakati, “ine ntha nkugomezga kuti M’bale Branham wang’anamuranga icho.”

³⁸ Ine nkhati, “ine nkhu yenera kung’anamura ichi, bwana. Ichi ndi NTHEURA WAKUTI YEHOVA.” Ndipo, pamanyuma, ichi chika wa chakukhuza mpingo mu muwiro uwu.

³⁹ Ndipo pafupifupi nyengo yenyeyira, mnyamata muchoko uyu mweneuyo ndi wabizinesi. . . Mukuru wake wali kudera. . . iyo waka wa kwenekula kujamburanga vithuzithuzi vya television mlenji ula, mkuru wake munyake ndi—ndi bwana wa msewu wa chiga wa cha California. Ndipo Danny Henry wakiza kunthazi para ungoro ukati wamara, pa gome, ngati *nthaura*, uko wanthu wose wakakhala pasi, wakayenda kuti wazaka wike mawoko ghake kundikumbatira ine. Ndipo iyo wakayowoya mazgu agha, “M’bale Branham, ine nkugomezga ichi ntha chikuwoneka chakunyoza, kweni,” wakati, “icho chingapanga chipatulo 23 cha Chivumbuzi.” Cheneicho, muli vipatulo twente-thu pera mu Chivumbuzi. Iyo wakati, “ine nkugomezga ichi ntha

chikuwoneka chakunyoza.” Iyo wakaŵavye chinyake kuruska kuyowoya ichi. . . Sono, mnyamata wakaŵa wa Baptist, ndipo nthā wakamanya chirichose za chauzimu. Na mawoko ghake kundikumbatira ine, iyo wakayamba kuyowoya mu chiyowoyero chachilendo.

⁴⁰ Ndipo para iyo wakati wamara kuyowoya mu chiyowoyero chachilendo, kula kukaŵa a—duntu, mwanakazi mufipa wakakhala nkhanira kunthazi kwa ine, iyo wakanyamuka, wakati, “Icho nthā chikusoŵeka kumasulira kulikose.” Iyo wakati, “ine nkhuŵumira ku Shrevertport, Louisiana, panji, Baton Rouge, Louisiana.” Wakati, “Icho ntchi French cheneko.”

⁴¹ Victor Le Doux, uyo wakaŵa munthu wa chiFrench, nayoso wakakhala kumtunda kula, wakati, “Nadi, ine ndine munthu wa chiFrench, ndipo icho changuŵa chiFrench cheneko.”

⁴² Ine nkhati, “Lindizgani miniti pera. *Iwe* lemba icho iyo wanguyowoya, ndipo *iwe* lemba icho iyo wanguyowoya, pambere imwe mundayowoye chirichose. Lembā icho iwe ukuyowoya, ndipo lekani ise tighawone manotisi ghinu.” Ndipo nthēura yumoza wakalemba, ndipo munyake wakalemba, ichi chikaŵa chakuti nanga ndi vimanyikwiro vya malemba vikaŵa vyakuyana.

⁴³ Ndipo nthēura pafupifupi waka nyengo yira, para iwo ŵakati ŵafika na manotisi, wamawonekero-ghaweme, mnyamata mwanichi wamutu wantcheya wakiza kwendanga kufuma kunyuma. Uko, kukaŵavye malo ghakukwanira kuti iyo wangamanya kukhala pasi; iyo wakayimirira kunyuma. Iyo wakiza wakwenda, wakati, “Minito pera, ine nkhuŵumba kuti ndiŵikepo chiduswa, naneso.” Iyo wakati, “ine ndine wakumasulira wa chiFrench wa U.N., United Nations.” Iyo wakati, “ine nkhuŵumba kuti ndiŵikepo chiduswa chane.”

⁴⁴ Ndipo, apa, viduswa vyose vitatu nkhanira ndendende, vya chiFrench. Ndipo apa pali umo ichi chikuŵazgikira. Ivi ndi viduswa vyapakudanga ivyo vikatoreka, chiduswa chakutoreka nkhanira penepapo. Ichi ndi chiduswa cha Danny, iyoyekha, iyo wakanyamura mu thumba lake. Nkhumanya, ichi chikaruta ku Christian Business Men, na kunyake nthēura.

Chifukwa iwe wasankha nthowa yifinyi, nthowa yinonono; iwe nthā wayenda mu kusankha kwa iwewekha.

Iwe watora chigamuro chiweme ndipo chakufikapo, ndipo iyo ndi Nthowa Yane.

Chifukwa cha chigamuro chakukhumbikwira ichi, gawo likuru la Kuchanya likukulindilira iwe.

Ndi chigamuro chauchindami uli iwe wapanga!

*Ichi mwa ichochekha ndi cheneicho chitikupenge
na kupanga kuti chikwaniriske kutonda kukuru mu
chitemwa Chauzimu.*

45 Sono, mwanarumi wakalemba zina lake apa. “Makani ghapachanya ghakamasulirika na . . . za Danny Henry kuchima pa M’bale Branham, kuperekeka na wakaboni watatu mu nyumba yakuryeramo mu Los Angeles, California.”

46 Sono, mnyamata muchoko mweneuyu uyo wakapereka uchimi uwu, kwambura kumanya icho iyo wakayowoyanga, wakaŵa mu Yerusalemu pafupifupi mwezi wajumpha. Iyo wakaŵa na mwaŵi wakuruta kuwaro na—na kukagonamo mu dindi uko Yesu wakafwira ndipo wakasungika. Ndipo ntheura apo iyo wakaŵa chigonere mwenemula, iyo wakati ine nkhafika ku malingaliro ghake mwankhongono chomene ndipo iyo wakayamba kulira. Wakati, “Umo kuti ichi chiri kuŵa chinonono chomene kwa M’bale Branham kuti wayime kulimbana na charu na vinthu ivi, na mipingo yose!”

47 Umo ichi—ichi chikayowoyekapo kale za yumoza, za chigaŵa cha Billy Graham, wakati, “Ise tikumanya kumuwona Billy Graham, chifukwa mipingo yose yawungana pamoza kwa iyo. Ise tikumuwona Oral Roberts, waPentekoste. Kweni kasi ise tiwenge nacho uli chinyake, apo Ichi ntchakususkana na icho ŵanthu ŵali kusambizgika?” Ndi Chiuta.

48 Ndipo, Danny, icho iyo wakuchita para wakupumura, iyo wakupanga tumalibwe tuchokotuchoko. Iyo wakaruta uko Mphinjika yikagonekekerera pasi, uko iwo wakati Mphinjika wakayikhazika pa jarawe. Pakaŵavaye waliyose pafupi, ntheura iyo wakaswa kachibanthu kachoko ka jarawe ndipo wakaŵika aka mu thumba lake kuŵa chikumbusko, wakiza ku nyumba ndipo wakandipangira ine vyakumangira mawoko gha shati kufumira ku ichi. Ndipo, mwakuziziswa, para iyo wakati wapanga ivi, ivi vikawoneka vyakuphakazgika na ndopa. Ndipo nkhanira mkati mwa chirichose cha ivi, mu kulutirira, muli kakunyoroka, kanthowa kachoko nkhanira mkati mwa vyose viŵiri. Sono icho panji chingamanya kuŵa waka a . . . Wonani, munyake panji wamanyanya chara kukawona aka, kweni kwa ine ndi kukwaniriska kwa vinthu ine nkhubomezga. Ine nkhubomezga kuti chirichose chiri na ching’anamuro ku ichi.

49 Ndipo sono, mu nyengo iyi, chirichose Fumu yiri nacho . . . Usange ichi nthu ndi chinthu icho Iyo wakachima, za Malaki 4 ndiposo za Luka 17, na Malemba ghananyake ghanandi iyyo vikwenera kuti vichitike mu nyengo yaumaliro iyi, uli ine ndiyowoye ichi mu kujara, ichi chakhazikiska lufura kwa munthu apo iyo wazamkwiza. Ntheura ine ndiri wakuwonga chomene kuti Chiuta Mwenenkhongono, usange ichi chingaŵa mu nthowa yira, wandizomerezga ine kuchita chinyake chichoko, mu kaŵiro kane kambura kusambira, kuti ndiwoneske

kuwonga kwane za chitemwa Chake pa ine, chitemwa chane pa Iyo, na chitemwa chithu ku wanthu.

⁵⁰ Ipo, mu unenesko, ine nkhuyamba chisambizgo ichi cha *Nthengwa Na Kupatana*. Nkhuromba Chiuta waŵe na lusungu pa ise tose.

⁵¹ Ndipo sono tegherezгани mwatcheru. Ndipo, ŵalongosi, ntha munganyamukanga na kuruta kuwaro; khalani nthaura nyengo yichoko waka. Ŵabale, chitani chimozi. Kuzimwa chara vyakuziskira mazgu vyinu kuwaro uko, uko kukwizira ku chakulumikizgira ichi. Kuchita chara icho. Khazikikani waka kwa maminiti ghachoko, mpaka uwu umare. Tegherezгани mwatcheru. Usange imwe mukusuka, lembani Malemba agho ine nkhuwiriska ntchito, ndipo pamanyuma mukaghaŵazge mwakuromba pambere imwe mundapange chigamuro chinu.

Chiuta, tiwireni ise apo ise tikuyezga kuyambako chisambizgo ichi.

⁵² Sono, uwu panji uŵenge utali pachoko. Ine nkhuumba chara kuti imwe muŵe ŵakuchimbira kulikose. Ndipo imwe fwasani waka, ise tose, ndipo tisambire Mazgu gha Chiuta, mu unenesko ndipo mwakudekanya, umo ise tikumanya kusambirira Ichi.

⁵³ Tiyeni tiyambe na Mateyu Mutuŵa, chipatulo 19. Ndipo tiyambe, ine nkhuhanaghana, na vesi 8 la chipatulo 19, ine nkhuumba kuti ndiyambepo. Ine ningamanya kuyambiraso na lakudanga, na kuŵazga kukhirira kusi ku vesi 8 la chipatulo 19.

⁵⁴ Sono, kumbukirani, vinthu ivi iyo ine nkhuyowoya vikwenera kufumira mu Mazgu gha Chiuta. Ichi ntha chingamanya kuŵa kulingalira kwane, chifukwa lingaliro lane liri ngati waka la munthu munyake. Kweni ichi chikwenera kuŵa mu wenenawene na Mazgu gha Chiuta. Kumbukirani, Chiuta wakusunga chose mu wenenawene. Iyo ntha wakusinha. Iyo ndi mweneyura mayiro, muhanyauno, na muyirayira. Kasi imwe mukugomezga icho? [Gulu likuti, "Amen."—Munozgi.] Iyo ndi mweneyura.

⁵⁵ Sono ine ndiŵazgenge kufumira mu chipatulo 19.

Ndipo kukachitika, kuti para Yesu wakati wamarizga kuyowoya ivi, iyo wakafumako ku Galileya, ndipo wakiza mu mphaka za Yudeya ku Yordan kusirya;

Ndipo mizinda yikuru yikamurondezga iyo; ndipo iyo wakaŵachizga iwo . . .

ŴaFarisi nawo ŵakiza kwa iyo, kumuyezganga iyo, . . .

⁵⁶ Ine ndiyime penepapo mwakuti imwe mungamanya kupulika kudidimizga pa awo ichi chikaŵa awo ŵakamuyezganga Iyo.

...wakati kwa iyo, Kasi kukuzomerezgeka na dango kuti mwanarumi wangamanya kumupata muwoli wake pa chifukwa chirichose?

Ndipo iyo wakazgora ndipo wakati kwa iwo, Kasi imwe mundaŵazge, kuti iyo mweneuyo wakaŵalenga iwo mu chiyambi wakaŵalenga iwo mwanarumi na mwanakazi,

Ndipo wakati, Pa chifukwa ichi mwanarumi wasidenge ŵawiske...ŵanyina, ndipo wati wademerenge ku muwoli wake: ndipo iwo ŵaŵiri ŵaŵenge thupi limoza?

Ipo iwo mbaŵiriso chara, kweni thupi limoza. Mwantheura icho Chiuta wagumanya pamoza, paŵavye munthu wapatulanye.

Iwo wakati kwa iyo, Ntchifukwa uli Moses wakaŵarangura kupereka kalata wa chipati, na... kumupata iyo?

Ndipo Iyo wakati kwa iwo, Moses chifukwa cha unonono wa mitima yinu wakamuzomerezgani imwe kupata ŵawoli ŵinu: kweni kufumira pa chiyambi kukaŵa ntheura chara.

Sono, Chiuta, tivwireni ise.

⁵⁷ Lemba ili, fumbo ili, wakafumbika Yesu pa kuyambirira nkhanira kwa utumiki Wake. Ndipo wakafumbika Moses pa kuyambirira nkhanira kwa utumiki wake. Ndi fumbo lakudangirira mu mitima ya ŵakugomezga. Wakwananga ntha wakupwerera. Kweni liri kwa ŵakugomezga, chifukwa wakugomezga wakuyezga kuchita chose iyo wakumanya umo wangachitira kuti wakhale umoyo wakwenerera panthazi pa Chiuta. Ipo ili, fumbo lirilose likutumphuka pa chisopo, ntheura nkhanira ya *Nthengwa Na Kupatana* yikutumphuka, (chifukwa?) chifukwa ili ndi jando la kwananga kwapakudanga. Apo ndi penepapo kwananga kukayambira. Ndipo ndicho chifukwa ili likwiza nyengo yiriyose, chifukwa ndi chiyambi cheneko cha kwananga.

⁵⁸ Sono ine ntha ndiŵenge nayo nyengo yakuti ndirongosore vinthu vyose ivi, kweni ine ndiŵenge wakukondwa kuti ndizgore kalata yinu panji chirichose ine ningachita. Panji, ise tiri nagho mabuku ghali kulemba pa ichi, na mafumbo ghanandi, nanga ndi vyakulemba kufumira mu nyuzi na vinthu kuno, kuti tisimikizgire ichi, ise tikumanya kuti wakaŵa Eva (Apulo ilo iyo wakayenera kuti warye, uko ichi ntha chiri nanga ndi mu Malemba, sono iwo ŵakuyowoya kuti ichi chikaŵa apricot; nesi chikaŵa chimoza cha ivi.), iyo wakachita chigololo, icho chikiziska mwana wakudanga, uyo wakaŵa Kayini, mwana wake yekha wa Satana, pakuti mwa iyo mukaŵa uheni. Uwu ntha ukizira mwa Abel. Mwana wa Satana wakaŵa Kayini.

⁵⁹ Ine ndalimanya fumbo linu sono, “Eva wakati, ‘ine ndapokera mwana kufuma kwa Yehova.’” Uwo ndi unenesko nadi.

⁶⁰ Imwe mungamanya kutora mwanakazi mkali chomene mu msumba, mwanarumi muheni chomene; usange iwo wakaŵa na mwana, uyu wakwenera kwiza kufuma kwa Yehova, chifukwa Chiuta wali na malango ghakukhazikiskika pamoza. Ndipo malango agha, ngati zuŵa kuti lifume; imwe mupande kabata mu munda uweme, uyu wamerenge. Ndipo uyu wakwenera kuti wamere, chifukwa ili ndi dango la Chiuta. Para mbewu yapandika, iyi yikwenera kuti yimere. Ndipo kulije chinthu chingapanga umoyo kweni Chiuta, chifukwa ichi chikuchitikira pasi pa malango Ghake. Ipo para mbewu yiheni yikati yapandika mu nthumbo ya—ya Eva, iyi yikayenera kuti yibabe, chifukwa ndi dango la Chiuta la kubabana. Ndipo iyi nthena yikachita chinyake chara kweni kubabika, ndipo iyi yikayenera kwiza kufuma kwa Chiuta.

⁶¹ Ndicho chifukwa wanthu wakuti, “Wabonda wachokowachoko,” nyengo yinyake, “awo nthawi wali kubabika na wapapi Wakristu, mbakutayika.”

⁶² Ndopa za Yesu Khristu zikumuphepiskira mwana, ine nkhipwerera chara umo iyo wakababikira na uheni umo iyo wakababikira. Iyo ndi Mwanamberere wa Chiuta uyo wakuwuskako kwananga ku charu. Mwana muchoko wangerapa chara, chifukwa uyu walije chinthu chakuti wangerapa, ndipo kula kukaŵa kwananga kwa charu uko kukawuskikapo na Ndopa za Khristu. Wabonda wakuruta Kuchanya.

⁶³ Ndi kwananga kwa pakudanga, ndipo ndicho chifukwa ichi—ichi chikufumbika. Para chakuchitika chirichose chikuru chafika kufuma kwa Chiuta, za chinthu chakudanga: “Kasi kuli uli vya nthengwa na kupatana?” Sono, umo kukaŵirako, ili lichali fumbo ndithu pakati pa wanthu. Umo kukaŵira mu nyengo za Yesu, umo kukaŵira mu nyengo za Moses, nyengo zose ndimo kuli kuŵira, ndipo ndimo kuliriso mu nyengo iyi, fumbo pakati pa wanthu, chifukwa wanthu wakukhumba kuti wamanye uwo ndi Unenesko.

⁶⁴ Kweni apo pali fumbo, pakwenera kuŵaso zgoro. Ndipo sono pakuŵa zgoro, umo ine ndiri kuyowoyera kale, sabata iyi, pakwenera kuŵa zgoro leneko. Ndipo usange ise tasanga zgoro ku chirichose, ndipo ili—ili ndaunenesko chara, mwantheura ise tikumanya kuti ili likaŵa lakwanangika. Kweni chiriko, imwe mufumbenge ndithu mpaka fumbo leneko lazgoreka, usange imwe mukukhumba kuti mumanye Unenesko. Ndipo pakuŵa ili ndi fumbo la mu Baibolo, pakwenera kuŵa zgoro la mu Baibolo.

⁶⁵ Ichi chiri ngati ndiumo ine ndayowoyera, usange ine nkikhumbenge kuruta kuvuma mlenji uwu; ndipo chiweme chomene icho ine nkhamanyira ichi, ine nkhayenera kuti

ndisange chinyake mu malo, ndipo ichi chikaŵa ndendende kuvuma, ndipo ine nkharuta kuvuma. Munyake wakati, “M’bale Branham, *uku* ndi kuvuma.” Uku ndi kuvuma, mwachigomezgo, kweni ndi kumpoto wa kuvuma. Ine ndijumphenge chinthu icho ine napenjanga; ine ndiwererenge, pakumanya kuti nkhanangiska. Ndipo ntheura usange munyake wakati, “M’bale Branham, ruta kudera *uku*, ku maryero kwako.” Sono, uko mwachigomezgo ndi kuvuma, nakoso, kweni ndi kumwera wa kuvuma. Ine ndiphonyenge chinthu icho ine napenjanga, chifukwa ine nanguruta kujumpha mphaka zeneko na nthowa yakurunjika.

⁶⁶ Sono, usange icho chiri ntheura, ise tiri na vigaŵa viŵiri vya ghanoghano pa *Nthengwa Na Kupatana*. Ndipo icho ndi, chimoza cha ivi chikuyowoya, kuti, “Mwanarumi wangamanya kutora kamoza pera, pekhapekha muwoli wake wafwa.” Ndipo ilo ndi limoza la mafumbo, kweni, imwe mukuruta kurondezganga icho, imwe mwawinda. Ndipo ntheura chinyake chikuti, “O, usange muwoli panji mfumu, yumoza wa iwo, wachita chigololo, yumoza wa iwo wangamanya kupatika na kusangaso nthengwa.” Imwe mukujisanga mwaŵene kuti mwawinda na icho.

⁶⁷ Mwantheura, wonani, nthu ndi kumwera wa kuvuma panji kumpoto wa kuvuma; ise tikukhumba kuvuma kweneko. Imwe mumalenge Malemba ghose para imwe mukutora nthowa *iyi*, ndipo imwe mukumara Malemba ghose para imwe mukutora nthowa *iyi*. Ise tikukhumba kuti timanye apo Lemba likukumana na Lemba, ndipo timanye uwo ndi Unenesko wa ichi. Lirilose likutora nthowa yakupambana, na kutondeka kusanga zgoro leneko, kweni ndipera pakwenera kuŵa zgoro.

⁶⁸ Ichi chiri ngati waka, muhanyauno, kuli vigaŵa vikuruvikuru viŵiri vya chisambizgo mu mpingo; chimoza cha ivi ndi Calvinism, chimoza chinyake ndi Armin-...Arminianism. Chimoza cha ivi ndi dango, chimoza chinyake ndi uchizi. Ndipo ise tikwiza kusanga kuti ŵanthu awo ŵakugomezga mu uchizi, ŵa Calvinist, iwo ŵakuti, “Watumbikike Chiuta, ichi nthu chikundipweteka ine kukhweŵa. Ichi nthu chikundipweteka ine kumwa. Ine ningamanya kuchita vinthu ivi, ine ndiri nacho chivikiriro Chamuyirayira.” Ntheura ise tikusanga chigaŵa chinyake, pa ŵadango, ŵakuti, “O, ine nkukhumba kuti ndimuchenye iyo, ine nkukhumba kuti ndimuwoneske iyo gawo la malingaliro ghane, kweni, ine ndine Mukhristu, ine nkhuwenera kuti ndikhale chete.” Wonani, imwe mukujisanga mwaŵene pa nthowa ziŵiri zakupambanapambana, ndipo paliye yimoza ya izi njaunenesko. Sono, icho ntchinonono kuyowoya ntheura, kweni ndi unenesko.

⁶⁹ Ise tikujisanga taŵene pa nthowa ziŵiri zakupambanapambana; yimoza yikuruta malo ghamoza, yimoza kunyake. Sono tiyeni tiwone kasi Unenesko ndi vichi.

⁷⁰ Sono tegherezгани, ndipo muwone usange ichi chikuwoneka chamahara kwa imwe. Mwachiyerezgero, usange ine ndanozgeka kuruta kusirya kwa nyanja. Ndipo ine nditorenge banja lane. Ine ndimuchemenge muwoli wane wize kwa ine, ndipo ine ndiyowoyenge, “Ise tiku-. . . Ine nk huruta kusirya kwa nyanja, wakutemweka.” Sono apa pali chigaŵa cha wadango, “Sono, muwoli wane, ine ndiŵikenge dango pa iwe! Usange iwe unyenganenge na mwanarumi munyake apo ine ndaruta, para ine nkhuwerako iwe uzamkuŵa mwanakazi wakupatika. Ndipo ine nk hukhumba chara iwe maso phayiphayi, nk hukhumba chara iwe unyenganenge! Iwe ukupulikiska icho? Ine ndine mfumu wako! Usange iwe uchitenge ichi, ine ndizamkukupata iwe para ine ndawerako.”

⁷¹ Ntheura iyo wakunyamuka ndipo wakundikora ine tayi, ndipo wakuti, “Mwanarumi wane muweme, ine nk hukhumba kuti ndikuphalira iwe chinyake, wona, wona, kuti usange iwe wamkuti phayiphayi kwa mwanakazi munyake waliyose, panji kwendanga na mwanakazi munyake, panji kunyengana na mwanakazi munyake waliyose, iwe uzamkuŵa mwanarumi wakupatika para iwe wawerako.” Sono, kasi iyo yiŵenge nyumba yakukondwa? Awo ndi ŵadango. Viri makora.

⁷² Sono, chigaŵa chinyake ndi, chakuti usange ine ndaruta kusirya kwa nyanja ndipo nakanangiska. . . Kulaŵiska na kuti, “Sono, wona, ine ndiyendezganenge na mwanakazi *uyu*. O, chiri makora na muwoli wane, iyo wakupwerera chara.” Muwoli wane wakuti, “ine ndiyendezganenge na mwanarumi *uyu*. Ichi chiri makora na Bill, iyo wakupwerera chara.” Usange ine nk hupwerera chara, mwantheura chiripo chinyake chakwanangika na ine; ine nthā nk humutemwa mwakwenerera mwanakazi yura. Ndipo usange iyo wakupwerera chara, chiripo chinyake chakwanangika na iyo. Iyo ndi muwoli wane; ine nk hukhumba chara mwanarumi munyake wayendezganenge na iyo. Iyo ndi muwoli *wane*.

⁷³ Sono, nthowa yiweme ya ichi, njakuti, chiripo ntchakuti wose ŵaŵiri ŵali nawo unesko, kweni nthā Unesko weneko.

⁷⁴ Sono para ine nk huruta kusirya kwa nyanja, kupanga ichi makora, banja lane lichoko likuwungana pamoza, ndipo ise tikurumba yumoza na munyake. Ndipo ine nk huŵapereka iwo kwa Chiuta, ndipo iwo ŵakundipereka ine kwa Chiuta. Ndipo para ise tachita, ise tikuruta kusirya kwa nyanja. . . Ine nk huruta kusirya kwa nyanja. Sono, ine nk humanya iyo wakunditemwa ine; ine ndiri nacho chigomezgo mwa iyo. Ndipo ine nk humutemwa iyo; iyo wali nacho chigomezgo mwa ine. Malinga ine nk humutemwa iyo ngati ntheura, iyo walije dandaulo lirilose za ine kuyendezgananga na mwanakazi munyake waliyose. Malinga iyo wakunditemwa ine mwakwenerera, chifukwa, palije chifukwa kwa ine kughanaghananga za mwanarumi munyake

waliyose kwendezgananga na iyo, chifukwa iyo ndi muwoli wane ndipo ine nkhumomezga iyo.

⁷⁵ Ine nkhumomezga, usange ine nadi ningachita chinyake chakwanangika, kunangiska na kwendezgana na mwanakazi munyake, na kuwerako ndipo ningamanya kurapa ichi kwa iyo, na kumuphalira iyo, “Meda, ine nthā nkhang’anamura kuchita icho. Ine nkhekoreka waka mu msampha; mwanakazi uyu wakachimbirira waka nkhanira kwa ine ndipo—ndipo wakandikora ine pawoko, ndipo wakayamba *chakuti-nachakuti*,” ine nkhumomezga iyo waŵenge wakundipulikiska. Ine nkhumomezga iyo wandigowokerenge ine pa ichi. Kweni ine ningachita chara ichi, dara, chifukwa ine nkhumutemwa iyo. Nangauli iyo wangandigowokera ine, ine ningachita chara ichi. Ine nthā ningamupweteka iyo, dara. Nangauli ine nkhumanya iyo wangamanya kundigowokera ine pa ichi, ine nkhekumba chara kuti ndimupweteke iyo.

⁷⁶ Ndipo umo ndimo ichi chiliri na Chiuta. Usange ine... usange chitemwa cha *fileo*, icho ndi chitemwa cha umunthu, chitemwa cha wenenawene, chingamanya kumupangiska mwanarumi wapulike nthēura za muwoli wake; kuli uli na chitemwa cha *agapao*, lizgu la Chigiriki kung’anamura “chitemwa cha Chiuta,” kasi icho chindipangiske ine kuchita uli za Yesu Khristu? Ine, malinga ine nkhekumba kuti ndirute ndichite ichi, ichi chiri mu mtima wane kuti ndichite ichi! Kwali... Ine nkhati, malinga ichi chiri mu mtima wane kuti ndichite ichi, ine nkchuruta nkchuchita ichi. Dango nthā lindizomerezgenge ine kuchita ichi, ndi chifukwa chakuti ine nkhumanya kuti ine nipokerenge chilango pakuchita ichi. Kweni Unesko weneko wa ichi ngwakuti, ndi para chitemwa cha Chiuta chanjira mu mtima wako mpaka iwe *ukhekumba* kuti uchite Ichi. Uwo ndi Unesko wa ichi. Pali vigaŵa viŵiri. Dango chara panji chinyake, panji Calvinism, ndi vyose viŵiri.

⁷⁷ Sono ise tikusanga muhanyauno, namoso, kuli mabungwe ghanandi ghakupambanapambana. Kuli mpingo wa Katolika, mpingo wa Protestant. Uliwose wa iyi ukuyowoya kuti iwo ndiwo Nthowa, wonani, “Ise tiri nayo Nthowa, ise ndise Ŵaneneska.” Kuli ŵa Methodist, ŵakuti, “Ise tiri nawo Unesko.” Ŵa Baptist ŵakuti, “Ise tiri nawo Unesko.”

⁷⁸ Inya, kwa ine, malinga iwo ŵakuchiwona munthowa iyo, chiri nthēura chara, chifukwa Yesu wakati, “Ine ndine Unesko.” Mukuwona?

⁷⁹ Ipo, umo upharazgi wane usiku wamara ukaŵira, kuti Iyo ndi malo apo Chiuta wakaŵikapo Zina Lake, malo ghekha pera ghakusoperapo. Iwe nthā ndiwe Mukhristu pakuti iwe ndiwe wa Protestant. Iwe nthā ndiwe Mukhristu pakuti iwe ndiwe wa Katolika. Iwe nthā ndiwe Mukhristu pakuti iwe ndiwe wa Methodist, Baptist, panji Pentekoste. Iwe ndiwe

Mukhristu chifukwa iwe uli kubapatizikira mwa Yesu Khristu, na Mzimu Mutuŵa, ntha na maji. “Kuli chipulikano chimoza; Fumu yimoza; ubapatizo umoza,” uwo ndi ubapatizo wa Mzimu Mutuŵa. Ubapatizo wa maji ukumunjizgani imwe mu wenenawene. Ubapatizo wa Mzimu Mutuŵa ukumunjizgani imwe mwa Khristu. Apo pali Unenesko.

⁸⁰ Ise tiriso na maghanoghano ghaŵiri gha ichi *Nthengwa Na Kupatana*. Sono, kuti, Fumu yithu yiri kujura chamchindindi cha Vididimizgo-Seveni cha Mazgu Ghake kwa ise, mu mazuŵa agha ghaumaliro. Sono, ŵanandi ŵa imwe, ichi panji chingamanya kuŵa Chigiriki kwa imwe, kweni mpingo wane ukupulikiska. Na vichi? Ndipo imwe muli kupulika za mboniwoni na ivyo vikachitika. Ndipo fumbo ndi fumbo la mu Baibolo, ise tikuchemeka apa kuti tigomezge pakwenera kuŵa zgoro leneko ku chisisi chose chakubisika icho chakhala chakubisika kufumira ku mtendeko wa charu. Ndipo Baibolo likuchima ndipo likuyowoya kuti mu nyengo iyi visisi ivi vizamkumanyikwa. Chivumbuzi 10, “Ndipo pa kubangula kwa mungelo wa nambala seveni, thenga ku Laodikeya, vyamchindindi vya Chiuta vikwenera kumanyikwa.” Ndipo uwu ndi muwiro waumaliro, wenuwo ndi Laodikeya.

⁸¹ Wonani chisisimuso chose ichi chiri kurutirira kwa virimika fifitini panji kujumphirapo, ndipo ntha bungwe limoza liri kupangika kufuma ku ichi. Luther wakaŵa nacho chisisimuso, bungwe likapangika; Wesley, bungwe likapangika; Alexander Campbell, bungwe likapangika; ŵanyake wose aŵa ŵakuruŵakuru. . . John Smith na ŵanyake nthaura, mabungwe, Moody, ulendo wose. Kweni apa chiri kuŵako chimoza. . . Nyengo zinandi chisisimuso chikukhala virimika pafupifupi vitatu pera. Kweni ichi chakhala chikulutirira kujumphira virimika fifitini, ndipo ntha bungwe limoza liri kuphuka kufuma ku ichi, pakuti iyi ndi nyengo ya Mbewu. Kulijeso khantha; pamanyuma pakuti khantha limoza lafumako, ndi Mbewu.

⁸² Chiuta ndi wakunozgeka, usange Iyo ntha wakuchita icho sono, Iyo wazamkuchemera Mpingo ku kufikapo na Mazgu Ghake, Yesu Khristu. Wonani, pakwenera kuŵa zgoro pamalo ghanyake, ndipo pakuŵa Icho, chamchindindi cha Chiuta chakubisika na vididimizgo-seveni, Vididimizgo Seveni.

⁸³ Kasi mbalinga ŵakupulikiska icho, kwezgani muchanya woko linu. Tiyeni tiwone. Ine nkughanaghana kuti ŵanandi ŵa iwo ndi gulu lithu lakufumira kwenekuno, tegherezani. Usange yayi, mabuku ghaŵenge kuti ghamalizigika mwasonosono, pa chisambizgo. Ise tiri nagho mabuku, mabuku ghanyake pa Ichi sono.

⁸⁴ Yesu, mu makani ghithu, wakutichema ise kuti tiwerere ku chiyambi, kuti tisange zgoro leneko la m’Malemba.

⁸⁵ Sono, para Iyo wakati wafumbika na ichi, pakaŵa vinthu viwiri vikawonekera. Wasembe wakati kwa Iyo, “Kasi mwanarumi wangamanya kumupata muwoli wake, kutora munyake, pa chifukwa chirichose?”

Ndipo Yesu wakati, “Ichi chikaŵa ntheura chara kufuma ku chiyambi.”

Ntheura iwo wakati, “Moses wakatizomerezga ise kumulemba kalata wa chipati, na kumupata iyo pa chirichose iwo wakakhumba.”

⁸⁶ Iyo wakati, “Kuti, Moses wakachita icho chifukwa,” ine nkhozomerezga icho chikhore pakanyengo, “chifukwa cha unonono wa mitima yinu; kweni kufumira, panji pa chiyambi ichi chikaŵa ntheura chara.” Fumbo!

⁸⁷ Fumbo muhanyauno, ngati la mtende wa vyaru, “Kasi uyu ukwiza na ndare, umoza wa vyaru, kukoleranako?” Ine nkhuoyoya kwa imwe, chara. Ichi nyengozose chikatondeka, ndipo ichi chizamkutondekaso. Kweni kula likukhalirira zgoro leneko ku fumbo, “Kasi uzamkuŵapo mtende pa charu chapasi?” Inya, para kwananga kwawuskikapo pa charu chapasi, uzamkuŵapo mtende. Kweni kufikira nyengo yira, ntha uzamkuŵako mtende; “charu chizamkuwukira charu chinyake, ndipo ufumu kuwukira ufumu.” Chiuta wakapereka nthowa yakutondera kwananga. Tegherezгани mwatcheru sono. Chiuta wakapereka nthowa yakuwuskirapo kwananga pa charu chapasi, kweni munthu wa charu chapasi ntha wayizomerenge nthowa ya Chiuta.

⁸⁸ Chiuta wakatipa ise nthowa na kachitiro kakuti titorere ŵawoli ŵithu na kukhala na iwo, kweni munthu ntha wayizomerenge nthowa ya Chiuta, ntha waghazomerenge Mazgu Ghake pa ichi. Yesu wali kuyowoya ichi. Ndipo ichi chikutikumbuska ise za—za Mazgu Ghake, pakumanya kuti Iyo wakati, “Kuchanya na charu chapasi vitondekenge, vimarengenge, kweni Ghane ghamarengenge chara.”

⁸⁹ Fumbo, zgoro leneko ilo Yesu wakukhumba kuti ise tiwerereko, ndakuti ise tiwerere ku chiyambi. Mwantheura, umo muwenge mu Genesis, chifukwa lizgu lakuti *Genesis* ndi chipatulo cha mbewu ku fumbo lililose mu Baibolo. Ndipo imwe nyengozose mukwenera kuti muwerere ku mbewu kuti mukawone mtundu wa mbewu iyo yiri mu munda, kuti mumanye kasi m'mera winu uzamkuŵa vichi. Sono, kasi ndi mtundu uli wa mbewu wamijika? Genesis, pakuŵa chipatulo cha mbewu, ise tiwerere ku Genesis. Yesu wakutitorera ise ku Lemba lira, “pa chiyambi.” Sono, kumbukirani, apo ndi penepapo nyengo yikayamba kuŵako. Kunyuma kwa icho, ukaŵa Muyaya. Sono, fumbo lithu kula languŵa lakuti, wonani, usange ise tawerera ku chiyambi.

⁹⁰ Sono kuphonya chara ichi! Ndipo icho ndi chifukwa ine nkhuikhumba kuti ndiyowoye mwakuzikira, mwakuti wanthu awo wakupulikizgira pa mawaya, ndipo kuti tepi yiyowoyenge ichi mwakupulikikwa makora.

⁹¹ Usange Yesu wakati, “Rutani ku chiyambi,” pakaŵa viw̄iriviw̄iri pera pa chirichose pa charu chapasi. Kukaŵa Adam yumoza, Eva yumoza, iwo wakalumikizgika na Chiuta yekha. Hachi yanakazi yimoza, yanarumi yimoza; kadundulu mwanakazi yumoza, mwanarumi yumoza. “Pa chiyambi,” umo Iyo wakatiphalirira ise kuti tirute kunyuma, pakaŵa viw̄iriviw̄iri pera pa chirichose. Kasi uwo mbenenesko? [Gulu likuti, “Amen.”—Munozgi.] Ntheura, ise tikusanga kuti chirichose “pa chiyambi” chikayendanga mu dongosolo lakufikapo na wenenawene na Chiuta, kukaŵavye chirichose chikaŵa kuwaro kwa dongosolo.

⁹² Chirichose kuchanya chichali mu dongosolo; nyenyezi zose, vipulausiku, zuŵa na vyakulizungulira, chirichose chiri nkhanira mu dongosolo. Chimoza cha ivyo chisezgeke, ichi chingamanya kutimbanizga ndondomeko yose.

⁹³ Sono tegherezгани. Kasi imwe mukuwona? Kutimbanizga kumoza kukunanga ndondomeko yose! Sono, para wanthu wakakhalanga mu wenenawene na Chiuta, na mwanarumi yumoza na mwanakazi yumoza, mwanakazi uyu wakananga ndipo ichi chikaponya ndondomeko yose ya charu chapasi kuwaro kwa wenenawene na Chiuta. Ipo, Lizgu limoza kusazgikako ku Buku ili, panji Lizgu limoza kuwuskikako ku Ili, chikumuponya Mukhristu kuwaro kwa wenenawene na Chiuta, chikaponya mpingo kuwaro kwa wenenawene na Chiuta, chikaponya banja kuwaro kwa wenenawene na Chiuta. Wakugomezga waliyose wangamanya kuponyeka kuwaro, pa kuleka kuzomera Lizgu lirilose la Chiuta.

⁹⁴ Ntheura, wakaŵa mwanakazi uyo wakapangiska kuphwasuka kwa nyumba yachitemwa. Ntha wakaŵa Kerubi uyo wakatangwaniska charu chapasi. Ntha wakaŵa Adam uyo wakatimbanizga nyumba. Ntha chikaŵa chinyake chirichose icho chikatimbanizga nyumba, ndipo chikaponya chinthu chirichose kuwaro kwa wenenawene, kweni mwanakazi, Eva. Ndipo ndi apa kuti “chiyambi,” icho Yesu wakayowoya, chikaphwasukira. Yesu wakati, “Pa chiyambi, Chiuta wakalenga chanarumi chimoza, chanakazi chimoza, chirichose mtundu wake.” Ndipo sono para mwanakazi uyu . . . ntha hachi yanakazi, ntha ntcheŵe yanakazi; kweni mwanakazi, iyo wakaphwasura wenenawene wose wa kachitiro ka Chiuta pa charu chapasi, ndipo wakaŵa chinthu chirichose mu nyifwa. Mwanakazi, ntha mwanarumi, iyo wakaswa phangano. Iyo wakaswa phangano, chifukwa (chavichi?) iyo wakajumpha mphaka za Mazgu gha Chiuta. Sono, usange iyo wakaswa phangano lake na mfumu wake, iyo wakaswa phangano lake na Chiuta; ntheura,

pakuti iyo wakaswa phangano na Chiuta, iyo wakaswa ili na mwanarumi wake.

⁹⁵ Ndipo para imwe mwaswa layizgano linu na phangano linu ku Mazgu gha Chiuta, icho ndicho chikapangiska mamembara ghanandi ghathengere gha mpingo, chifukwa gulu la wanthu likiza pamoza ndipo likati, “Inya, Ichi nthā chikang’anamura *icho*,” ndipo chikuponya bungwe lose kuwaro kwa wenenawene na Mazgu. “Ise nthā tikugomezga Icho. Dokotala Jones wakati Ichi nthā chikaŵa nthaura.” Kweni malinga Chiuta wakayowoya kuti Ichi chiri nthaura, Iyo wakati, “rekani lizgu lirilose la munthu liŵe litesi, ndipo Lane liŵe Launenesko!” Apo ichi chikuswa wenenawene.

⁹⁶ Sono ise tikuwona, pakuŵa kuti wenenawene waphwasuka, nthaura mzere wa Umoyo ukaphwasuka, kweniso mzere wa nyengo ukaphwasuka, phangano likasweka, chirichose chikanangika! Ntchichi chikayambiska ichi? Mwanakazi. Icho ndicho chikaswa phangano. Sono, usange imwe mukukhumba kuti muŵazge icho, imwe mungamanya kuŵazga ichi, Genesis 3.

⁹⁷ Sono, chikaŵako pamanjuma kuti mwanarumi wakapangika kuti walamulire mwanakazi, mwa Mazgu gha Chiuta. Iyo nthā wakaŵaso wakulingana na mwanarumi. Iyo wakaŵa wakulingana nayo mu chilengiwa, imwe mukumanya; kweni, para iyo wakati waswa Mazgu gha Chiuta, Chiuta wakapanga mwanarumi kuŵa mulamuliri pa iyo. Genesis 3:16, usange imwe mukukhumba kuti mulembe ichi. Iyo nthā wakaŵaso wakulingana na mwanarumi. Iyo wakaŵa muparanyi wa Mazgu gha Chiuta.

⁹⁸ Kasi imwe mukuwona chara, “mwanakazi,” iyo, mpingo pasi pano? Muparanyi wa Mazgu gha Chiuta, icho chikamuponya iyo nkhanira kuwaro kwa wenenawene. Ndipo icho ndicho mpingo wachita, ndipo waponya nyifwa yauzimu pa chinthu chose. Sono imwe mupulikiskenge chifukwa icho ine nkhang’anthira pa vinthu ivi umo ine nkchitira. Ndi Unenesko! Izi ndi fundo za Baibolo.

⁹⁹ Wonani, ntchifukwa uli iyo wakachita chinthu ngati ichi; wakachita uli wakutemweka yura, wakutowa, mwanakazi wakufikapo?

¹⁰⁰ Ine nkhwona chithuzithuzi nyengo yimoza, ine nkugomezga mukaŵa mu Greece, za wakujambura uyo wakadinda chithuzithuzi cha Eva. Iyo wakaŵa chinthu chamawonekero-ghaheni chomene imwe muli kuchiwonapo. Icho chikuwoneska icho malingaliro ghakuthupi ghangamanya kulaŵiska. Kweni, iyo nthā wakaŵa nthaura; iyo wakaŵa wakutowa, chifukwa iyo wakaŵa mwanakazi wakufikapo, wanakazi wose.

¹⁰¹ Wonani, ntchifukwa uli iyo wakachita chinthu chanthaura, pakuŵa mu dongosolo lapachanya lira? Iyo wakaŵa nkhanira

pamoza na mwanarumi, wakulingana na iyo. Kweni ise tose tikumanya sono kuti iyo wakataya kulingana kwake kwakuyana na mwanarumi, para iyo wakati wananga, ndipo Chiuta wakati, “Mwanarumi waŵenge mulamuliri wako kwamba kulero.” Sono, ilo ndi Lemba. Usange imwe mukukhumba, ise tingamanya kuŵazga ichi.

¹⁰² Ine nkhumupani imwe Malemba, mwakuti tisunge nyengo ku gulu likuru ili lalumikizika kusirya kwa charu, mwakuti imwe mungamanya kukaŵazga ichi mwaŵene.

¹⁰³ Wonani chifukwa icho iyo wakachitira chira. Kasi Satana wakafika uli kwa iyo?

¹⁰⁴ Kasi imwe mukamanyanga Satana wakaŵa wakulingana na Chiuta zuŵa limoza? Nadi wakaŵa, vyose kupatulako mlengi; iyo wakaŵa chirichose, wakayimirira ku woko lamaryero la Chiuta, Kuchanya, Kerubi mukuru murongozgi.

¹⁰⁵ Wonani chifukwa icho iyo wakachitira ichi, iyo nth wakaŵamo mu chakulengeka cha pakudanga. Iyo nth walimo mu chakulengeka cha pakudanga cha Chiuta; iyo ndi wakuchita kupangika. Ipo, “pa chiyambi,” umo Yesu wakayowoyera ichi, iyo nth wakaŵa munthu wakulengeka wapakudanga wa Chiuta. Iyo ndi wakuchita kupangika kufuma kwa mwanarumi, para Yesu wakayowoya za “kuchiyambi.”

¹⁰⁶ Kumbukirani, Adam wakaŵa vyose mwanarumi na mwanakazi, mu chakulengeka cha pakudanga, yumoza, kweni pamanyuma iyo wakatatuskika na mbambo.

¹⁰⁷ Wonani, kweni chakuchita kupangika, ndipo, wonani, chimoza pera pa vyakulengeka vyose vya Chiuta, vya chinyama chirichose na chinyake chirichose, iyo wakaŵa yekha pera wakapangika munthowa iyi. Chanakazi chinyake chirichose chikaŵamo mu chakulengeka cha pakudanga. Chanakazi chinyake chirichose chikaŵamo mu chakulengeka cha pakudanga, kweni Eva nth wakaŵamo mu chakulengeka cha pakudanga. Wonani, chira chikayenera kuti chipangike munthowa yira. Ise tifikengeko ku ichi mu kanyego. Wonani, mu chakulengeka ichi mwenemumo iyo wakaŵa, nth mwa pakudanga, kweni chakuchita kupangika. Ndipo mu chakulengeka ichi, muli. . .

¹⁰⁸ Sono ine nkukhumba chara kuti ndipweteke malingaliro ghinu, kweni ine nkukhumba kuti ndimuphalireni imwe Unenesko. Ndipo imwe mukhale waka chete; imwe mukuchita makora.

¹⁰⁹ Kulije chinthu chiri kupangika kuŵa chakunyenga chomene, ngati mwanakazi uyo ndi wakunyenga. Chingaŵako chara chinyake; kulije chinthu chiri kupangika kuŵa nthaura.

¹¹⁰ Kweniso, kulije chinthu icho chingamanya kunyengeka mwakuphweka chomene ngati mwanakazi. Sono, kuwa

kukusimikizgira makani agha kuŵa ghaneneska, kuwa mu chiyambi.

111 Iyo nthā wakaŵamo mu chakulengeka cha pakudanga pachiyambi. Iyo wakaŵa mwa Adam, kweni nthā mu mtundu wa mwanakazi, iyomwene, pa chiyambi. Iyo wakaŵa chakuchita kupangika.

112 Sono, kulije chinthu chiri kupangika icho chingamanya kunyenga, na kunyengeka, mwakuphweka ngati mwanakazi. Kulije chinthu chiri kupangika panji chingamanya kukhizgika pasi chomene umo mwanakazi wangachitira. Ghanaghanani sono. Kulije chinthu chiri kupangika, mu chakulengeka chose, icho chingamanya kukhizgika pasi chomene umo mwanakazi wangachitira. Iyo wangamanya kupalura mtima wa mwanarumi mu viduswa mwakuphweka kuruska chinyake chirichose chirimo mu charu, ndi muwoli wake. Rekanı muwoli muweme muchoko yura wayambe kuchimbirachimbira na mwanarumi munyake; liwoneni doda lira lakhala apo na ŵana ŵake, masozi kufumanga mu maso ghake. Iyo wali kupangika mwantheura umo. Iyo wali kupangika kuchita ichi. Kulije nkhumba, kulije ntcheŵe, panji nthā chinyama chinyake, chiri kupangika ngati iyo panji chingamanya kukhizgika pasi chomene umo mwanakazi wangakhizgikira. Sono, uwo ndi unenesko.

Na ntchindi ku ŵalongosi ŵane, ine nkikhumba waka kuti imwe muwone.

113 Kulije chinyama chingamanya kuŵa chankharo yiheni. Imwe mukuyichema ntcheŵe “chikazuzi,” ntcheŵe yanakazi, imwe mukuyichema yanarumi . . . nkhumba “chikazuzi chanakazi,” kweni nkharo yake ndi mitunda mamiliyoni kujumpha nyenyezi zinandi za ku Hollywood. Uko ndi kujikhizgira pasi umo iyo wali kupangikira kuti waphwekerenge. Iyo wangachita chara . . . Ghanaghanani waka za ichi sono. Kulije chirichose mu charu, chiri kupangika mu chakulengeka cha Chiuta, icho chingamanya kuŵa chizaghali, kukhizgikira pasi nthēura.

114 Imwe mukuti, “Lindizgani miniti pera, ‘mwanarumi!’” Ise tifikengeko ku icho. Mwanakazi wakwenera kuti wayowoye “inya.”

115 Wonani, kulije chirichose chiri kupangika kuŵa chakukhizgika chomene, panji kuŵa chikazuzi, kweni mwanakazi. Ntcheŵe yingachita chara ichi, nkhumba yingachita chara ichi, kayuni kangachita chara ichi. Kulije chinyama ntchizaghali, nesi ichi chingamanya kuŵa, pakuti ichi nthā chiri kupangika nthēura ichi chingamanya kuŵa. Nkhumba yanakazi nthā yingamanya kuŵa yizaghali, ntcheŵe yanakazi nthā yingamanya kuŵa yizaghali, kayuni kanakazi nthā kangamanya kuŵa kazaghali. Mwanakazi ndi chinthu chekha pera chingamanya kuchita ichi.

116 Sono imwe mukuwona uko Satana wakaruta? Mukuwona? Kweni ndipouli iyo wali, iyo ndi mweneuyo wali na nkhongono kuti wayowoye “inya” panji “yayi.” Wonani, chikutorera uko iyo wakukhumba kuti wakhale. Mukuwona? Sono apa ise tingamanya kuwona pakweru mbewu ya serpente, uko iyi yikunjirira. Kuli malo ghamoza pera uko iyo wakamanya kuruta. Usange icho nthā chingakhomerera ichi, munyake ndi wachibulumutira. Mukuwona? Wonani, ichi chikayenera kuruta kwa yura.

117 Wonani, chifukwa icho vinyama nthā vingachita ichi, chinyama chanakazi, ivyo vikaŵamo mu chakulengeka cha pakudanga. Nyengo mwanakazi nthā wakaŵamo mu chakulengeka chira cha pakudanga. Sono ise tikuruta kunyuma kuti tifufuze ichi, pamanyuma timutorereni imwe nkhanira ku nyengo yasono, mu Testament.

118 Iyo wali kupangikira, yekha, ku ukazuzi na umoyo waukazuzi. Ntcheŵe yingachita chara, ndipo kulije chanakazi chinyake chingachita. Ndi mwanakazi pera uyo wangachita. Ntcheŵe panji vinyama vinyake virivyose, kamoza pa chirimika, ndipo icho ndi kukhumba ŵana ŵake; nthā kukhumba sangurisko la kugonana, kweni kukhumba ŵana ŵake. Nkhumba yilara yanakazi, ntcheŵe yilara yanakazi, kamoza pa chirimika, nyengo yimoza, apo ndi para yikukhumba ŵana ŵake. Kweni mwanakazi wali kupangikira nyengo yiriyose iyo wakhumba. Ine ndiri na vinthu vinyake ndavidukira apa sono; imwe mungamanya kulingalira vinyake vyose. Ntcheŵe yingachita chara; mwanakazi wangachita. Ine nkhuomezga kuti Mzimu Mutuŵa wakuvumbura kwa imwe vinyake vyose vya ivyo ine ndadukira apa.

119 Iyo ndi mtundu wekha pera, mtundu wa chanakazi, uwo uli kupangika wakutowa kuruska chanarumi. Kulije mtundu unyake pakati pa uliwose. Vilengiwa vinyake vyose vya Chiuta ndi vyanarumi vyakutowa, ngati ndi mu vinyama, viyuni, na vinyake nthēura, nyengo zose chanarumi ntchakutowa.

120 Laŵiskani pa nyiska yikuru yanarumi, mphondo zikuru ziweme, mtundu ukuru; ndipo yichoko, nyiska yanakazi yakufwasa. Laŵiskani pa tambala mukuru na mahungwa ghake ghose ghakutowa; ndipo yichoko, nkhuuku yiswesi yanakazi. Laŵiskani pa viyuni, tambala na nkhuuku yanakazi. Chifukwa, ntchifukwa uli ichi chikaŵa nthēura, pa vilengiwa vyose vya Chiuta? Chilengiwa chirichose, mu chanarumi muli kutowa kukuru. Pakatikati pa mberere, pakatikati pa—pa nkumba, pakatikati pa mahachi, pakatikati pa chirichose, nyengo zose ndi chanarumi chikuru ndicho ntchakutowa, na mu viyuni.

121 Kweni mu mtundu wa ŵanthu, ndi mwanakazi uyo ngwakutowa, nthā mwanarumi; usange iyo ngwakutowa, pali chinyake chakwanangika, pali mbewu yakusakanikirana

pamalo panyake. Kufumira pa chiyambi viri mwantheura. Chifukwa, ntchifukwa uli ichi chikachitika? Kuti wanyengere. Wakumupanga wake, Satana, wachali kuteweta pa iyo, nayoso, mu mazuwa ghaumaliro agha.

¹²² Rekani ine ndilekezgere apa pa kanyengo. “Kutowa!” Kasi imwe mukamanyanga, pa kuparanyika kwapakudanga, vyaru vyose, kwa charu, panji charu chose, chikaŵa chifukwa cha ŵanakazi ŵakutowa? “Para ŵana ŵanarumi ŵa Chiuta ŵakati ŵawona ŵana ŵanakazi ŵa ŵanthu ŵakaŵa ŵakutowa, iwo ŵakajitorera iwoŵene ŵanakazi.” Ndi unenesko uwo?

¹²³ Kasi imwe muli kuwona kukura kwa kutowa kwa ŵanakazi mu nyengo iyi? Ine ndiri kuchiwona chithuzithuzi cha Pearl O’Brien, uyo wakayenera kuŵa mwanakazi wakutowa chomene mu charu, pa nyengo yimoza. Kulije msungwana wa virimika vya m’matini mu sukulu iyi kweni uyo wangamanya kumuruska mawonekero iyo, para ichi chafika pa kutowa.

¹²⁴ Kukura kwa kutowa kwa ŵanakazi kukuwoneska nyengo ya chinyengo. Mphauli apo mpingo ukawoneka wakutowa chomene kuruska umo ukuchitira muhanyauno? Chinthu chirichose chikuwoneka chiweme, nyumba zikuru zakutowa, ndipo mamiliyoni gha *iyi* na mamiliyoni gha *iyi*. Kasi imwe mukuwona chara, “mwanakazi,” chinyengo!

¹²⁵ Sono, kulije chinyake chingamanya kukhizgika ngati iyo, ndipo iyo wali kupangika mwantheura kuti iyo wangamanya kuŵa wakunyenga. Ndipo Satana wakuteweta nadi pa iyo muhanyauno, mu mazuwa agha ghaumaliro, chifukwa iyo ndi wakumupanga wake. Ine ningamanya kusimikizgira icho sono. Kuruta nkhanira kunyuma ku chiyambi, kasi ndinjani wakayamba kuteweta pa iyo, Adam panji Satana, Chiuta panji Satana? Wonani, uyo ndi wakumupanga wake. Ichi ndi chida chake chikuru chakumuponyera mwanarumi ku ukazuzi wake, pakuŵa mwanakazi wakutowa, iyo wangamanya kumuhangayiska mwanarumi mu nthowa yiriyose iyo wakukhumba. M’bale, ntho ndi malo ghakumwerako mowa kusika uku agho ghakumutora mwanarumi; ndi mwanakazi wakutowa wakwendanga mu msewu, kujibinyuranga iyomwene, wavwara hafu. Icho ndicho chikumutora... Uyo ndi wakunyenga nkhanira kwenekula. Ndipo iyo wakuŵakoma na ichi, ngwakukoma nadi. Imwe panji mungandifumba ine za Satana kuŵa wakumupanga wake, kweni uwo ndi Unenesko. Satana wakamupanga iyo. Iyo wachali kuchita ichi.

¹²⁶ Rekani ine ndimuwoneskani chinyake imwe mu Malemba. Ine nkhuayenera kuti ndimutorereni imwe ku Malemba, ndipo imwe mupange lingaliro linu apo imwe mukulaŵiska pa ichi muhanyauno.

¹²⁷ Satana ndi mweneuyo wakupanga mtundu ula wa kutowa. Usange ise tingalaŵiska, iyo wakaŵa wakutowa chomene

pa Wangelo wose Kuchanya. Ndi unenesko uwo? Ndipo iyo wakakhumba kuti wapange Kuchanya ghaŵe malo ghakutowa chomene kuruska ufumu wa Michael. Ndi unenesko uwo? Kweniso, kuwoneska kuti Kayini wakaŵa mwana wake, iyo wakapereka chisopo chakutowa chomene, wakatoweska maguwa ghake na vipaso na maluŵa, na vinyake ntheura. Ndi unenesko uwo? Kutowa! Kwananga nkhwakutowa, icho ise tikuchema kutowa muhanyauno. Ndipo kwananga kukunyenga, kukugwiriska ntchito kutowa. Imwe nthā mungalaŵiska pa mwanakazi wakukhira na msewu na kuphala icho chiri mu mtima wake. Mukuwona? Kweni ine nakhumbanga kuti ndiyowoye vinthu ivi mwakuti imwe mungamanya kuwona chifukwa icho Satana ndi wakumupanga wake. Uwo mbunenesko nadi, mwana wake yekha wakasimikizgira ichi, Kayini. Sono, mwanakazi ngwakutowa mwakuti iyo wangamanya kunyenga.

¹²⁸ Charu ntchakutowa mwakuti ichi chingamanya kunyenga. Ine nkhung'anamura *kosmos*, dongosolo la charu. Ichi ntchakutowa mwakuti ichi chingamanya kunyenga, malo ghaweme ghakurughakuru na vyakusanguruska.

¹²⁹ Kumbukirani muprofeti, Amos, para iyo wakati wafika ndipo wakalaŵiska pasi mu msumba, ndipo wakawuwona uwo ngati Hollywood wasono, maso ghake ghachokokale ghakaphinyirira pachoko, kusi kwa sisi lira la nyivwi kulenderanga mu maso ghake. Ndipo iyo wakaruta kusika kula na Uthenga, ndipo wakaubangula Uwu pa malo ghara. Iyo wakati, "Chiuta mweneyura uyo imwe mukuti mukumutumikira, wamuparanyeninge imwe!" Uwo mbunenesko.

¹³⁰ Kwananga nkhwakutowa. Iwo ŵakumughanaghanira Yudasi ngati munthu munyake muloŵevu wakale kuwaro uko pa msewu kumalo kunyake, ndipo mlomo lende na membe mwenemumo, na vinyake ntheura, ngati Yudasi. Yudasi wakaŵa wakutowa, wankhongono, wakunyenga. Ntha ndi munthu yura wakumuyenderani imwe, nthā ndi munthu yura (mlimi wakale) wakwiza wavwara ovolulu, kuti wazakamuyendere muwoli winu; ndi wakunyenga yura, iyo ndi chiŵanda.

¹³¹ Kwananga nkhwakutowa ku maso gha charu, kweni Chiuta nthā wakuwoneka mu mtundu uwo wa kutowa. Kasi imwe mukachimanyanga icho? Chiuta wakuwoneka mu nkharo, nkharo yakutowa.

¹³² Mu Baibolo, Yesaya 53, usange imwe mukukhumba kuti mulembe Lemba. Wali na mndandanda wa Malemba ghalembeka kulwandi uku gha ichi. Yesaya 53, Baibolo likayowoya za Fumu yithu Yesu, kuti, "Pakaŵavve kutowa uko ise tikamanya kumukhumbira Iyo. Ndipo ise tikabisa nkhope zithu kwa Iyo." Ndi unenesko uwo? Ise nthā tikamukhumbira

Iyo, chifukwa Iyo ntha wakaŵa wakutowa. Iyo panyakhe wakaŵa munthu muchoko, mapewa-ghakuwa, wamawonekero-ghaswesi, ndipo Iyo ntha wakaŵa wakwenerera kuŵa mrongozgi. Iyo ntha wakawoneka ngati mlongozgi. Wakayowoya na mayowoyera wamba gha pa msewu, na vinyake nthaura, ngati ndiumo ŵanthu ŵakuchitira, ŵanthu wamba, mwantheura Iyo ntha wakawoneka kuti Iyo wakaŵa munthu munyake wamahara, wakusambira, muweme, wakavwara munjirira, na chirichose. Iyo wakaŵa waka Munthu wamba. “Kukaŵavye kutowa kwa Iyo, kwakuti ise tikamanya kumukhumbira Iyo.” Iyo wakayenda mukati na kuwaro kwa munthu, nkhanira pamoza, iwo ntha ŵakamanya nanga ndi Icho Iyo wakaŵa. Iyo ntha wakawoneka ngati chiuta wakwenda nawo, icho ise tikamanya kughanaghana wakaŵa chiuta. Kweni, chimozi, Iyo wakaŵa!

133 Kasi imwe mukawona para Yehova Chiuta wakayowoya kwa—kwa Samuel, “Ruta kumtunda ku nyumba ya Jese ndipo ukaphakazge yumoza wa ŵana ŵake ŵanarumi, fumu, kuti watore malo gha Sauli?”

134 Sono, ŵanthu ŵakasankha Sauli, penepapo Samuel wakaŵaphalira iwo mwakusimikizga kuti ŵaleke kuchita ichi. Iyo wakati, “Chiuta wakukhumba chara kuti imwe muŵe na fumu; Iyo ndi Fumu yinu.” Ndipo wakati, “Kasi ine ndiri kuyowoyapo chirichose kwa imwe, mu Zina la Yehova, kweni icho chikafiskika? Kasi ine ndiri kumupemphanipo imwe ndalama panji chinyake, munyake, kuti zindovwire ine?”

135 Iwo ŵakati, “Yayi, iwe ntha ukatipemphapo ndalama ise. Ndipo chirichose iwe ukayowoya, mu Zina la Yehova, ichi chikafiskika. Kweni ise tikukhumba fumu, munthowa yiriyose,” nthaura iwo ŵakasankha Sauli. Wonani icho charu chikasankha! Wonani icho Israel wakasankha! Israel, wakuzozgeka wa Chiuta, iwo ŵakasankha munthu uyo wakaŵa mutu na mapewa pachanya kuruska munthu waliyose mu charu; wakuzirwa, mukuru, muweme, munthu wamawonekero ghakutowa, ndipo iyo nyengozose wakaŵa membe mu mafuta.

136 Kweni Chiuta wakati, “Ine ndimusankhireninge imwe fumu kwakulingana na kusankha Kwane.” Ntheura Iyo wakati, “Samuel, Ine ntha ndikuphalirenge iwe kasi iyo ndinjani, kweni iwe ruta kumtunda kula. Iyo ndi yumoza wa ŵana ŵa Jese.”

137 Ndipo Jese, muwoli wake, na iwo wose ŵakalaŵiska kosekose, ŵakati, “Inya, mwana mwanarumi withu mulara chomene, iyo ndi mukuru, mutali, mwanarumi wakutowa, iyo wati wawonekenge makora waka na mphumphu ya ufumu. Iyo ngwavinjeru. Iyo ngwakusambira. Iyo ndi munthu muweme. Ine nkhumanya iyo waŵenge waka wakwenerera. Iyo wakuyowoya mazgu ghake makora.”

138 Para iwo wakati wafika nayo iyo, Samuel wakatora supa ya mafuta ndipo wakaruta kwa iyo. Iyo wakati, “Chara, Yehova wakamukana iyo.” Ntheura iyo wakaruta ulendo wose, ku wana sikisi, ndipo Yehova wakamukana waliyose wa iwo. Iyo wakati, “Kasi walipo chara munyakeso?”

139 “O,” iyo wakati, “Inya, walipo yumoza, iyo wali kunyuma uko wakuliska mberere. Iyo wakukhala waka kunyuma kula na kulizganga sumu, ndipo wakwimba iyi, na kuchemerezga, na kurutiriranga. Kweni, iyo ndi mulara pachoko wamapewaghakuwa, munthu wamawonekero-ghaswesi, iyo ntha wangamanya kuwa fumu.”

140 Iyo wakati, “Rutani mukamutore iyo.” Ndipo para David wakati wawoneka ku maso gha muprofeti, muprofeti wakachimbira na mafuta ndipo wakapungulira agha pa mutu wake, wakati, “Uyu ndi kusankha kwa Chiuta.” Ntha kutowa; kweni nkharo. Chiuta wakula wiska pa nkharo.

141 Mwanarumi wakula wiska pa kutowa kwakuthupi. Uku kukunyenga. Ndipo ndicho chifukwa mwanakazi wakapika kutowa kula, kuwa chakunyengera, kuti wanyenge. Mwanakazi wakutowa, usange iyo ntha wakugwiriska ntchito munthowa yiweme, ndi nthembo kwa iyo; icho chikutumenge iyo ku gehena mwaluwiro kuruska chinyake chirichose ine nkuchimanya. Usange iyo mbwenu... Usange iyo wangamanya kuwa wakutowa, nadi, malinga iyo wakukhala na mfumu wake ndipo wakuchita icho ntchakwenerera, ndipo icho—icho ntchiweme ndipo chakunyadiska. Kweni iyo wangamanya kutora chinthu chenechira ndipo, mwe, umo iyo wangamanya kunyengera na ichi, pakuti ichi chikaperekeka kwa iyo kuti wachitire ntheura.

142 Wonani, sono, kweni Chiuta wakuwoneka mu nkharo. “Muka wavye kutowa ise tikamanya kumukhumbira Yesu,” kweni ntha waka wako munthu ngati Iyo, pa charu chapasi.

143 Sono ise tikusanga, muhanyauno, kuti a—a nkharo ya mpingo, Satana na gulu lake, wakupenja ghakuru, matchalitchi ghakutowa, vintu vyakutowa. Icho ndicho charu chikula wiskapo muhanyauno. “O, uli na mliska, nyengo yikuru yakuti-na-yakuti, wakuti-na-wakuti, wausembe chomene ndipo wauchiuta, wakwenda, minjirira yikuru iyi, na vintu ngati ntheura.” Iwo wakuchema icho kutowa.

144 Kweni watu wa weneke wa Chiuta wakupenja nkharo ya Mazgu ghakukhozgeka.

145 Icho ndicho watu wa wakachita mu nyengo yira, para iwo wakati wamuwona Yesu. Iyo ntha waka wa kanthu pakumula wiska, kweni iwo wakawona Chiuta waka wa mwa Iyo. Iwo wakawona Chiuta waka wa na Iyo.

146 Umo ndimo kuti wara, Joab na wanthu wara na David, munthu mulara pachoko, kweni iwo wakawona a—munthu waka wa mwa iyo. Iwo wakawona kuti Chiuta waka wa mwa

iyo, ndipo iwo wakamanya iyo wazamkuwusa zuwa linyake. Iwo... Yumoza wakakoma wanyake fayivi wabale wa Goliyati, woko limoza. Yumoza wakakoma wanthu firi handiredi; apo wanakazi wanyake wakayawanga ntchungu kuti wakaphike, ndipo gulu lankhondo lika wa kuti lafumapo, ndipo iyo wakatora mkondo ndipo wakakoma wanthu firi handiredi, waFarisiti. Nkharo! Chifukwa? Iwo wakakhala nkhanira na David. Iwo wakamanya kuzozga kuka wa pa iyo, ndipo iwo wakamanya iyo wazamkulamulira.

¹⁴⁷ Chithuzithuzi cheneko cha mpingo muhanyauno uwo uyimenge na Mazgu! Ise tikumanya Ichi chizamkukhozgeka. Ise tikumanya Ichi chizamkulamulira zuwa linyake. Nangauli Sauli... Ndipo iyo waka wa wakuchimbirachimbira pakati pa mitundu yinyake yose, kweni iwo wakamanya iyo wazamkulamulira. Ise tikumanya Iyo wazamkulamulira, nayoso, nthaura ise tikutora Mazgu ghara na kuyimirira nkhanira penepapo, kwambura kupwerera icho chichitikenge. Usange ise tikwenera kuti tiwadumure waFarisiti, panji kudukira mu mbuna na kukoma nkharamu, umo yumoza wakachitira, ise tikuruta munthowa yiriyose, chifukwa ichi ndi... umo ndimo Chiuta wakapangira ichi kuti ndimo chikhalire. Ise tikupenja nkharo.

¹⁴⁸ Imwe panji sono mundifumbenge ine, “Ntchifukwa uli Iyo wakazomereza mwanakazi kuti wawumbike mwantheura?” Ine nkukhumba chara kuti nditore nyengo yitali chomene, chifukwa ine ndiri na vinandi chomene vyakuti ndiyowoye apa. “Chifukwa,” fumbo lingamanya kufumbika pamanyuma, “ntchifukwa uli Chiuta wakamupanga mwanakazi uyu ngati nthaura? Ntchifukwa uli Iyo wakazomereza iyo kuwa nthaura?” Ichi chika wa chifukwa cha kukhumba kuweme Kwake Yekha. Nadi.

¹⁴⁹ Sono usange imwe mukukhumba kuti mujure mu Baibolo linu miniti pera, tiyeni tijure ku Waroma 9, miniti pera, ndipo ndimuwoneskani chinyake imwe, umo Chiuta wakuchitira vinthu ivi, usange imwe mukukhumba kuti—kuti muwazge ichi. Ndipo ise tingamanya kuwona apa icho Chiuta wakuchita mu kumuchitira chiweme Iyo Yekha. Waroma 9:14.

Ntheura kasi ise tiyowoyenge vichi pamanyuma?

Kasi uliko ubendezi kwa Chiuta? . . .

¹⁵⁰ Para Iyo wakati wamusankha Esau, panji wakasankha Jacob ndipo wakamukana Esau, pambere mnyamata waliyose waka wa na wanangwa wa kupanga chisankho, iyoyekha, nthu yumoza wa iwo; pambere iwo waka wa wandababike, wachali mu nthumbo ya mama, Chiuta wakati, “Ine ndamutinkha Esau, ndipo Ine ndatembwa Jacob.” Mukuwona? Chifukwa?

Pakuti iyo wakayowoya kwa Moses, ine ndi wenge na lusungu pa mweneuyo ine ndi wenge na lusungu,

ndipo ine ndiŵenge na chitima pa mweneuyo ine ndimuchitirenge chitima.

Mwantheura ichi nthā ndi...iyo mweneuyo wakukhumba, nesi...iyo mweneuyo wakuchimbira, kweni ndi Chiuta mweneuyo wakuwoneska lusungu.

Pakuti lemba likuyowoya kwa Faro, Nanga ndi pa chakulinga cheneichi ine ndakuwuska iwe, mwakuti ine ndiwoneske nkhongono yane mwa iwe, na kuti zina lane panji lingamanya kupharazgika charu chose.

Ipo iyo... (sono wonani apa)... pakuti iyo... lusungu pa mweneuyo iyo waŵenge na lusungu, na mweneuyo iyo wati wamunonofyenge.

Imwe muyowoyenge... kwa ine, Ntchifukwa uli iyo wakuchita... wakusanga chifukwa? Pakuti ndinjani wali kukana khumbo lake?

Chara kweni, O wamunthu, kasi iwe ndiwe njani kuti ukumusosomora Chiuta? Kasi chinthu chakupangika chingamanya kuyowoya kwa mweneuyo wakachipanga ichi, Ntchifukwa uli iwe wandipanga ine nthaura?

Kasi muwumbi walije chara nkhongono pa dongo, la buma lenelira kuti wapange chiŵiya chimoza cha kuchindikika, ndipo chinyake chambura kuchindikika?

Uli usange Chiuta, wangakhumba kuwoneska ukali wake, na kupanga nkhongono zake kumanyikwa, wakazizipizga...kuzizipizgira kukuru kwanthaura chiŵiya cha ukali chakunozgekera kuparanyika:

...mwakuti iyo panji wangamanya kuvumbura pakweru mausambazi gha uchindami wake pa chiŵiya cha chisungusungu, cheneicho iyo wakachinozgera kale ku uchindami.

¹⁵¹ Sono suskanani nacho Icho kwa kanyengo. Chiuta wakachita ichi! Iyo wakayenera kupanga ichi munthowa iyi. Ichi chikayenera kuti chiŵeko kula. Sono tegherezani sono pafupifupi maminiti fayivi, ine nkukhumba kuti ndikopere tcheru chinu ku chinyake.

¹⁵² Kasi Chiuta ntchichi? Chiuta ndi Umuyaya ukuru. Pa kudanga, kale chomene pambere chiyambi chikaŵa chindaŵeko, Iyo nthā wakaŵa nanga ndi Chiuta. Kasi imwe mukachimanyanga icho? *Chiuta* ndi “chinthu chakusopeka,” ndipo nthā chikaŵako chirichose chakuti chimusope Iyo. Iyo wakakhalanga yekha.

¹⁵³ Ndipo mwa Iyo mukaŵa maukhaliro. Kasi ukhaliro ntchichi? Ghanoghano. Sono imwe mupulikenge chinyake icho chiŵenge pafupifupi chakukozganako ku chisambizgo usiku uwu. Wonani, Iyo wakaŵa maukhaliro Ghake agho ghakaŵa mwa Iyo. Sono, chikaŵa mwa Iyo kuti waŵe Dada, chikaŵa mwa Iyo kuti waŵe

Chiuta, chikaŵa mwa Iyo kuti waŵe Mwana, chikaŵa mwa Iyo kuti waŵe Muponoski, chikaŵa mwa Iyo kuti waŵe Muchiriski. Ndipo vinthu vyose ivi apa vikuwoneskera waka maukhaliro Ghake. Kulije chinyake chiri kuwaro kwa dongosolo. Imwe mukughanaghana kuti Chiuta ntha wakawona umaliro kufuma ku chiyambi? Nadi, Iyo wakachita. Kulije chinyake chiri kuwaro kwa dongosolo, ndi kuwoneskeranga waka maukhaliro Ghake.

¹⁵⁴ Sono, Iyo nthena wakaŵa *murunji* chara na kupanga munthu kuti wawe. Iyo wakayenera kumuŵika iyo pa kachitiro kakuyana, ka kusankha kwambura kuchichizgika, kuti wapange chisankho chake, kweni pakumanya kuti iyo wawenge.

¹⁵⁵ Sono, Iyo wangaŵa chara Muponoski pekhapekha chinyake chatayika. Iyo wangaŵa chara Muchiriski pekhapekha munyake warwara. Vinthu ivi vikayenera kuŵa mwantheura umo. Chiuta wakapanga ivi mwantheura mwakuti maukhaliro Ghake ghakuru ghakamanya kuwonekera. Usange ivyo vikaŵako chara, Iyo nthena wakaŵa Muponoski chara. Kweni ise tikumanya Iyo wakaŵako, nanga ndi pambere nyengo yikaŵa yindaŵeko, Iyo wakaŵa Muponoski. Iyo wakaŵa Muponoski, nthaura kukayenera kuti chiŵeko chinyake chitayike. Kasi ichi chiŵenge uli?

¹⁵⁶ Usange Iyo wakutora na kutaya ichi, kuti waka wachiponoske ichi, nthaura uwu ndi urunji chara ku cheruzgo Chake. Iyo wangatuma chara munthu ku gehena, na kuŵa murunji. Iyo ngwachisungusungu, wakufwasa, muneneska, wakugomezgeka, ndipo Iyo ndi Mweruzgi mukuru. Wonani, Iyo ndikokuti wachitenge mwakujisuska Iyomwene.

¹⁵⁷ Ntheura Iyo wakayenera kuti waŵikeko munthu kudera kuno, na kumupanga iyo pa wanangwa wakusankha kwambura kuchichizgika, nthaura iyo wakachita, pakumanya, kuti wawenge; ndipo munthu, mu chikozgo Chake Yekha, kasi iyo nthena wakawa uli? Sono imwe mukukuwona Kuŵara kwa zuŵa? Ntheura, Iyo wakayenera kuti wapange chakuchita kupanga kufuma ku chinyake, chinyake kufuma ku chakulengeka chapakudanga. Sono imwe wonani ichi. Mukuwona? Uko imwe mukwiza. Mukuwona? Ntheura, icho ndicho chikawa. Iyo wakapanga ichi, pakumanya kuti ichi chizamkuwa. Ndipo ichi chiri kuŵikika mu mawoko gha Satana, ku chiŵiya chambura kuchindikika. Kasi ntchindi zaperekeka nkhu muhanyauno? Imwe mughanaghanepo pa icho. Woneseskani mwatcheru sono.

¹⁵⁸ Ntheura mwakuwerezgapo, chifukwa icho iyo wakapangikira munthowa iyi ndipo ngati ndi vyanakazi vinyake chara, ntchifukwa uli mwanakazi wakapangika nthaura ndipo vyanakazi vinyake chara? Kulije vinyama vinyake vyanakazi vikapangika ngati nthaura. Ivyo viri nthaura chara, muhanyauno. Ivyo vingachita chara. Ntha pakuŵa wakupangika

munthowa yira, iyo wangachita chara ichi. Ntchifukwa uli Iyo nthu wakachipanga chanakazi ichi, mwanakazi, ngati vyanakazi vinyake, mwakuti iyo nthena wakaŵa waka chimozi, kuti nthena wakaleranga waka ŵana ŵake? Pamanyuma iyo nthena wakaŵa na mfumu wake, na kukhalanga; ndipo para nyengo yafika ya mwana wake, iyo nthena wakaŵa nayo mwana wake. Chifukwa, ntchifukwa uli Iyo nthu wakamupanga iyo ngati nthu?

¹⁵⁹ Ine ningayowoya chara mazgu agha. Ndipo imwe mukupulikiska icho ine nkhuwoya, mukuchita chara imwe? Usunge imwe mukupulikiska, yowoyani “amen.” [Gulu likuti, “Amen.”—Munozgi.] Inya. Mukuwona? Muli ŵasungwana ŵachokoŵachoko ŵakhala mwenemuno, na ŵanyamata ŵachokoŵachoko, wonani. Kwani imwe mukumanya, chinyama chikwenera kuti chifike pa nyengo yinyake ya chirimika, ndipo chanarumi chake, mbwenu kwamara. Kwani, mwanakazi, ndi nyengo yiriyose. Ndipo ntchifukwa uli Iyo wakamupanga mwanakazi ngati nthu?

¹⁶⁰ Sono wonani dongosolo Lake likuru likuvumbukwa, apo ise tikurutirira kujumpha umu sono, mwakufikapo waka umo kufikapo kungamanya kuŵira. Ine nthu nkachimanya ichi mpaka zuŵa linyake.

¹⁶¹ Ntchifukwa uli Iyo nthu wakamupanga mwanakazi ngati nthu mu chiyambi, ngati vyanakazi Vyake vyose? Chifukwa ichi chikati chiŵenge chiheni kwa Iyo. Iyo ndi mbwiwi ya utuŵa wose. Ndicho chifukwa Iyo wakayenera kumuzomerezga Satana wamukore iyo, icho iyo wakachita mu utimbanizgi. Chilengiwa chanthura chikayenera kuŵa, nthena chikaŵa chiweme chara kwa Iyo, pakudanga ndimo wakapangikira.

¹⁶² Milimo Yake yose yeneiyo Iyo wakapanga, mu chiyambi, yikurutirira. Milimo Yake yose ya pakudanga yikurutirira. Ntcheŵe yanakazi, ntcheŵe yanarumi; wonani, ng’ombe yanakazi, ng’ombe yanarumi; chirichose kurutiriranga. Chilengiwa chose chikurutirira. Mbewu yikufwa, yikunjira mu dongo; kuyana waka na nyifwa, kusungika, kuwuka. Umoyo ukunjira pasi kufuma mu khuni, likumbotiska hamba lake, likwizaso chirimika chikwiza na chiwuka cha hamba liphya. Mukuwona icho ine nkhung’anamura? Chirichose, nanga ndi chilengiwa, cha Chiuta, chose chikurutirira, mu chimoza; ndipo apa pali chimoza chapangika kufumira mu wenenawene na Chiuta. Chilengiwa chiri kupangika mwakuti ichi chingananga chara. Ghanaghanani! Chakulengeka cha pakudanga, cha Chiuta, chikamanya kwananga chara.

¹⁶³ O, kasi imwe mukuchiwona chara ichi sono, mu kawonekero aka apa, kutimbanizgika kwa mpingo? Chapakudanga ndi Mazgu gha Chiuta! Mulije kwananga mwa Chiuta. Mukuwona icho ine nkhung’anamura? Apa pali chilengiwa icho

chikapangika mwa utimbanizgi. Chiuta waŵenge nawo Mpingo, kweni laŵiskani pa chinthu ichi chakutimbanizgika iwo ŵali nacho kuwaro uku.

¹⁶⁴ Chiuta wali nacho chanarumi na chanakazi. Kweni, mwanakazi uyu, wonani, mawonekero ghake pera gha ichi ghakuwoneska kunyuma icho chikaŵa mu malingaliro gha Chiuta. Ise tingamanya kutora ora, panji ghaŵiri, na kuchirongosora icho. Mwanakazi. . . Wakapanga chilengiwa ichi munthowa yira, Iyo wakapanga chilengiwa ndipo wakamung'anamura mwanakazi mwakuti Satana wakamanya kumukora iyo, ndipo iyo wakachita. Iyo wali kumukorerera ndithu mwanakazi. Iyo ntchiweme wachimbirire ku Mphinjika, ngati umo mwanarumi, wakachitira.

¹⁶⁵ Wonani, chilengiwa chose chiri mu wenenawene. Usange Iyo wakamupangenge mwanakazi mu chakulengeka chenechira cha pakudanga, mphanyi kulije kwananga, chifukwa iyo nthena wakachita chara ichi, iyo nthena wakachita chara ichi. Iyo ndi utimbanizgi wa chakulengeka cha pakudanga.

¹⁶⁶ Ntheura kwananga kose ndi utimbanizgi wa Unenesko wa pakukudanga! Kasi boza ndi vichi? Ndi Unenesko wakutimbanizgika. Kasi chigololo ntchichi? Ndi kachitiro kaweme kakutimbanizgika. Mwantheura chiliko chilengiwa chakutimbanizgika, chiliko chinthu chose chakutimbanizgika. Ndipo chinthu chose chikuŵerengeka k-w-a-n-a-n-g-a, chiri nkhanira apo. Ndicho chifukwa fumbo ndikuru chomene.

¹⁶⁷ Kachiduswa pera, kachigamba, kakupangika kufuma kwa mwanarumi, kuti kamunyengere iyo; Chiuta wakapanga ichi, nkhanira apa chasimikizgira ichi. Icho ndicho mwanakazi wakapangikira.

¹⁶⁸ Mwanakazi muzaghali ndi chinthu chankharo yapasi chomene icho chingaghanaghanirika, mu charu chapasi. Phepani pa ichi, madona ghachokoghachoko. Iyo ntchinyake chara kweni chithini icho ŵanthu ŵakuponyamo viswaswa, chakutayamo wanarumi. Icho ndicho iyo wali, mwanakazi muzaghali, ndi chithini icho ŵanarumi ŵakutayamo wanarumi, ukazuzi, uko viheni, viswaswa, uheni, ukazuzi wapasi chomene ukutayika mwa iyo. Kasi iyo wali kupangikirachi ntheura? Kuti wanyenge. Kwananga kulikose uko kukaŵako ku charu chapasi kukayambika na mwanakazi.

¹⁶⁹ Ndipo mufufuzi wakufuma waka ku Chicago, a—mwanakazi wakalemba nkhanu iyi, chigaŵa cha polisi; kuti iwo ŵakafufuza, mu United States, chigaŵa chikuru cha United States, kuti “Nayinte-eyiti pa handiredi kwa kuswa dango uko kukachitika mu mtundu uliwose, mu United States, mukaŵa mwanakazi mu ichi panji kunyuma kwa ichi.”

170 Sono ine nkhuwowyoya chose ichi, kuti ndifike ku chinthu chimoza apa pa umaliro, mwakuti imwe mungamanya kuwona ilo ndi suzgo.

171 Iyo wakapangika kuti wanyenge, ngati ndiumo iyo wakamuchitira Adam pa chiyambi, kumuphalira iyo kuti chipaso chikaŵa chiweme, na vinyake ntheura, kuti wamunyenge iyo na kumuwuskako iyo ku Mazgu. Umo ndimo mpingo ukuchitira muhanyauno, chinthu chenechira.

Kweni ntheura, pamanyuma pa icho, mwanarumi wakuzgoka mulamuliri wa iyo, kuti wamulamulire iyo.

172 Sono ndi mphambano uli mu nyengo iyi, mu nyengo iyi ya chinyengo. M'malo mwa mwanarumi kuŵa mulamuliri wa iyo, iyo wazgoka kuŵa chiuta wa mwanarumi. Nadi, iyo wakumulamulira mwanarumi. Sono imwe mungamanya kupulikiska makora icho ine ndakhala nkhuifikako. Na kutowa kwake na ulamuliri wake wakugonana, kuwumbika kwake uko kukapika kwa iyo na Satana, chakuchita kupanga icho Satana wakachita, iyo watumika kuti wapusike ŵana ŵanarumi ŵa Chiuta. Ndipo iyo wangamanya kutorera ŵanandi ŵa iwo ku gehena kuruska chirwero chinyake chirichose icho Satana wali nacho. Uwo mbunenesko nadi.

173 Ine nkhuwowyoya za uzaghali sono, nthā imwe ŵalongosi. Ise timupeninge imwe malo ghinu, malo ghakwenerera, mu maminiti ghachoko, mu Mazgu gha Chiuta umu. Ichi chikaŵa mu ndondomeko ya Chiuta kufuma ku chiyambi—chiyambi.

174 Sono kuti tichite ichi muhanyauno, kasi ndinjani chiuta wa United States? Imwe mukukumbukira mu kachisi virimika vyakunyuma, ine nkapharazga pa icho? Chiuta wa nyengo yasono iyi, msungwana muchoko wambura mawonekero ghakwenerera wakhala apo wachita kujiphoda kwake, ndipo direshi laguzikira muchanya kujumpha makongono ghake, na vintu ngati ivyo. Ine nkhati, “Wonani chiuta winu!” Ndipo uwo ndi unenesko, iyo wali palipose pa kuchemerera malonda, wawwara hafu. Iyo wali pa msewu, chimozimozi.

175 Ichi ndi chirwero cha Satana, “kufuma pa chiyambi,” Yesu wakayowoya. Mukuwona? Ise tikuwona kuti ichi chiri ntheura sono, ndipo “kufuma ku chiyambi,” na ivyo Iyo wakuyowoya.

176 Sono, ŵambura kugomezga ŵakatemwanga kumupanga iyo kuŵa chiuta, (kasi imwe mukachimanyanga icho?) chiuta mwanakazi. Nadi ŵakachita. Iwo ŵakumupanga iyo chiuta mwanakazi, pakuti iwo ŵakagonana nayo mu kusopa kwawo. Iwo ŵakayowoya kuti, “Iyo wakaŵa mlengi. Mu nthumbo yake iyo wakanyamura mbewu ndipo wakalenga.” Uwo mbutesi. Kuli Mlengi yumoza pera, uyo ndi Chiuta. Kweni imwe mukukumbukira Paulos kula? “Diana, wa ku Efeso,” chikozgo cha jarawe, wakati, “chiuta mwanakazi wa Kuchanya,

wakaponyeka pasi.” Kasi imwe mukuwona chara umo chisopo cha wambura kugomezga chiliri?

177 Ndipo ise, kwambura kumanya ichi, tikung’anamukiraso nkhanira ku chisopo cha wambura kugomezga, ku wanakazi, chilengiwa chenechira chapasi chomene pa charu chapasi, kusopa-mwanakazi! Iyo wamuhangayiskenge mwanarumi munthowa yiriyose iyo wakukhumba. Ndipo kwambura kumanya, kutowa kose kula kwa kuwaro, kuti gehena liri mkati. Solomon wakati, “Mwanakazi, vipata vyake ndi vipata vya ku gehena.”

178 Sono ise tikuwona pakweru apa icho Yesu wakayowoya mu Chivumbuzi, chipatulo chachiwiri ndipo vesi 15, za chisambizgo cha Chinikolayi, mpingo ukwiza ula kujiwuskangako iwowekha ku Mazgu.

179 Kweniso ise tikumanya kuwona apa, pakweru, agha ghakulawura, ghambura uchiuta, maporogaramu ghakazuzi agho ise tiri nagho pa matelevision, gha mafumukazi ghazaghali gha Hollywood. Ise tikumanya kuwona ukazuzi wa msumba uwu, umo wana awa, wasungwana walara pachoko wakwenda kukwera-na-kukhira na msewu apa, na ghachoko ntheura, malaya ghakufyenyena, kugwenyukiranga kosekose, ndipo kwazizima chomene kuti kunga wawomizgira iwo ku nyifwa. Iwo ntha wakumanya kuti ndi devulu wakuchita icho. Iwo wakoreka na mzimu uheni, ndipo ntha wakumanya ichi! Imwe ntha mukuyiwona ntche we yanakazi yikuchita icho, mukuyiwona imwe? Imwe ntha mukuchiwona chanakazi chinyake chirichose chikuchita icho, ndipo kulije chanarumi chamahara chikwenda kurazga kwa iyo, ng’o.

180 Mukuwona, sono imwe mwachiwona chithuzithuzi? Ise timuwoneskeninge chinyake mwasonosono, para Fumu yazomerezga.

Sono imwe mukuwawona wa Nikolayi, imwe wonani chisambizgo chawo.

181 Imwe muwone mafumukazi gha virimika m’matini, iwo wakuwazunura iwo, awa wakujivura pa msewu. Kale tikachitanga kuruta ku senema zinyake zakulawura ku chiga wa chimoza, kuti tikawone wakujivura. Jurani waka maso ghinu, lawiskani kuwaro pa msewu, ndicho chekha imwe mukwenera kuti muchite sono. Chinthu chose ndi chakuvura. Nadi. Kasi iwo wakuchitira njani ichi? Kuti watombozge, kumuyezga, ndicho chinthu chekha pera iyo wangamanya kuchitira ichi. Iyo wakuchita ichi pakuti iyo ndi mukazuzi. Iyo wakuchita ichi pakuti iyo wali kupangika mwantheura umo. Iyo ntha wakumanya kuti iyo ndi chirwero mu mawoko gha Satana, ndipo icho ndicho iyo wali.

182 Nanga ndi mu sukulu zithu muhanyauno, iwo wakusambizga machitiro ghakugonana. Charu chithu chakuvunda cha kusopa-

mwanakazi! Ine nkhumanya iwo ntha wákukhumba kugomezga icho. Kuyimirira na kuyimba mtundu unyake wa sumu, na vinyake ntheura, pa zuwa limoza; ndipo kuwaro na wánakazi, kuchimbiranga kosekose, usiku wose wathunthu. Mukuwona? Viri makora. Penepapo, mu maso gha Chiuta, Mazgu, iyo ndi wapasi chomene pa vinyama vyose ivyo Chiuta wakaŵika pa charu chapasi. Wonani.

¹⁸³ Ndicho chifukwa Chiuta wakumukanizga iyo kuti wasambizge Mazgu Ghake. Uwo mbunenesko. Timote Wakudanga 2:9-15, “Ine nkhumanyezga chara mwanakazi kuti wasambizge, panji kuwa na mazaza ghalighose.” Mukuwona? Ndipo kweniso Wakorinte Wakudanga 14:34, “Rekani wánakazi winu wakhale chete mu mipingo, pakuti ichi chikuzomerezgeka chara kwa iwo kuti wayowoye, pakuti iwo wakulangulika kukhala chete; kweniso likuyowoya Dango.” Kweni, muhanyauno, kasi mpingo ukuchita vichi? Iwo wakuwapanga iwo waliska, waneni, apo Baibolo likukanizgirathu ichi. Ndipo Baibolo likati, “umo nalo likuyowoyeraso Dango,” kupanga ichi kukhala mu wenenawene, chinthu chose.

¹⁸⁴ Kuyana waka ngati ndiumo Mwanamberere wakaŵira, usiku wamara, malo ghekha pera ghakusoperapo, pasi pa Ndopa zakuthiskika za Mwanamberere. Ndi malo ghekha pera muhanyauno, mwa Khristu. Nthowa yekha pera imwe mukuchita ndi kunjira mwa Iyo. Agho ndigho malo ghekha pera ghakumusoperapo. Ichi nyengozose chikaŵa ntheura. Malo ghekha pera ghakumusoperapo ndi pasi pa Ndopa zakuthiskika.

¹⁸⁵ Ntheura sono ise tikuwona chithuzithuzi chose cha ichi chikuvumbukwa kwa ise. Uyo wali apo. Ndicho chifukwa Chiuta ntha wamuzomerezgeke iyo kuti wasambizge, ntha wamuzomerezgeke iyo kuchita chirichose mu mpingo kweni kukhala chete na chisko chakubenerereka.

¹⁸⁶ Sono kasi imwe mukuwona chifukwa icho ine ndayowoyera vinthu ivi na kuchita vinthu ivyo ine ndachita, pakumanya chose ichi mu mtima wane, m'bale, walongosi? Ine nkhumanya, walongosi, ine ndine...imwe muli nagho malo ghinu (mu kanyengo waka), na nkharo yakuziziswa Chiuta wangamanya kuwumba mwa imwe. Kweni ine nkhuvezga waka kuwoyoya ku chigaŵa chinyake, kuti ndimuwoneskeni imwe uko imwe muli kufuma, “mu chiyambi.” Yesu wakatiphalira ise kuti “tirute ku chiyambi,” kuti tikachisange ichi. Icho ndicho ise tikuchita.

¹⁸⁷ Sono ine nanguyenera kuti ndifike ku fundo zikuruzikuru pa vinandi vya ichi, ndipo ine nkhumanyezga imwe mukupulikiska ichi. Ndipo mwaŵanthu imwe muzamkupulikizganga ku tepi iyi, ine nkhumanyezga imwe mukupulikiska. Rutani waka kunyuma. Ichi chikuwoneska waka kuti Yesu wakati, “Rutani kunyuma,

kufuma ku chiyambi, ndipo mukafufuze.” Vinthu vyose, rutani ku chiyambi. Imwe mungamanya kuwona, muhanyauno.

¹⁸⁸ Chifukwa, wanthu, iwo wakuti ine nkhutinkha wanakazi. Icho chiri kutali na Unesko. Ine nkhuwatinkha chara. Iwo wakundichema, “Wakutinkha-wanakazi!” Kumbukirani, iwo wakamuchema Paulos wakutinkha-wanakazi. Mupharazgi mwanakazi, kale chomene chara, wakati, “O, iwe uli ngati Paulos wakale, chose iyo wakachitanga chikaŵa kususkanga ise wanakazi.”

¹⁸⁹ Mutuŵa wa Chiuta, uyo wakazomerezgeka kuti walembe Baibolo, Testament Liphya, ndipo mukughakana Mazgu ghake? Iyo wakati, “Usange Mungelo kufuma Kuchanya wasambizgenge chinthu chinyake chirichose kuruska Ichi cheneicho ine ndayowya, rekani Iyo watembeke,” kuli uli na mupharazgi munyake mwanakazi.

¹⁹⁰ Iwo wakati Elija wakaŵa wakutinkha-wanakazi. Iyo ntha wakaŵa wakutinkha-wanakazi, wanakazi weneko. Iyo ntha wakaŵatemwa waka ŵa Yezebeli ŵara.

¹⁹¹ Ndipo usange icho chikaŵa ntheura, ntheura pakuŵa Chiuta wakwenera kuŵa chimozimozi, chifukwa Iyo ndi Mazgu agho ghakwiza kwa waprofeti. Ntheura ichi wakwenera kuŵa Chiuta, chimozimozi, ntheura, wonani, Iyo wakumanya chakulengeka cha pakudanga, “kufuma ku chiyambi,” Iyo wakati, “kufuma ku chiyambi.” Iwo wakaŵa waprofeti ku weneawo Mazgu ghakiza.

¹⁹² Ndipo Iyo wakamupanga mwanakazi kuŵa wa mwanarumi, ndipo ntha mwanarumi kuŵa wa mwanakazi. Kasi imwe mukamanyanga icho, kuti, “Mwanakazi wakapangika kuŵa wa mwanarumi, ndipo ntha mwanarumi kuŵa wa mwanakazi”? Kasi mbalinga wakumanya icho? [Gulu likuti, “Amen.”—Munozgi.] Baibolo likusambizga icho. Viri makora. Iyo wakapika malo mu mwanarumi, pambere kuwa kukaŵa kundachitike, wakuyana pa chakulengeka chose. Kweni “pamanyuma” pa kuwa, sono apa ise tikwiza na chisambizgo. Kweni “pamanyuma” pa kuwa, mwanarumi wakaŵa mulamuliri wake, iyo wakwenera kuti wakhale chete mu nkhani zose, sono pamanyuma pakuti chiyambi chose cha pakudanga chamara.

¹⁹³ Yesu wakati, “Ichi ntha chikaŵa ntheura kufuma ku chiyambi.” Apo ndi penepapo nyengo yikayambira, para Chiuta wakapanga ichi pakudanga mu chakulengeka Chake cha pakudanga. Mose imwe mukupulikiska, yowoyani “amen” kamozaso. [Gulu likuti, “Amen.”—Munozgi.] Mu chiyambi Chiuta wakalenga waka chanarumi chimoza na chanakazi chimoza. Kweni pamanyuma mwanakazi wakapangika wakulekana kufuma ku vinyama, vinyama vinyake vyose, kuŵa wachinyengo. Sono wonani sono, “Ichi ntha chikaŵa ntheura kufuma ku chiyambi.” Iyo wakapangika, usange iyo wakhali renge mu kawiro ka pakudanga, iyo nthena wakaŵa mu

kuwa chara. Kweni iyo wakapangiska kuwa na nthimbanizgo yeneiyo yikaphwasura wenenawene wose wa Chiuta, ndipo chikiziska nyifwa, chitima, na chinyake chirichose, pa charu chapasi. Iyo wakapangika mwantheura.

¹⁹⁴ Sono wonani sono “pamanyuma” pa chiyambi, pamanyuma pa chiyambi, para nyengo yikati yayamba; kunyuma mu chenechira mukaŵa Umuyaya, uli kumara. Wonani, pamanyuma pa kuwa kula kukati kwapangika na Eva, pamanyuma pa kuwa, pakayenera kuti paŵe phangano linyake lipangike. Sono ichi chimukhuŵazgeninge imwe, kweni ine ndimupeninge Lemba imwe kusimikizga kuti uwu ndi Unesko. Sono wonani pamanyuma pa kuwa, Yesu wakati... Chiuta, pa chiyambi, wakapanga chimoza cha mtundu wake; kweni sono, pamanyuma pa kuwa, sono ise tikuruta kujumpha icho. Phangano likaŵa lakuti ŵayanenge; kweni sono, pamanyuma pa kuwa, pali phangano linyake likapangika. Sono mwanakazi ntha wakaŵaso mulamuliri pamoza na mwanarumi, waliyose wakwenera kuŵa na phangano lake yekha.

¹⁹⁵ Sono tiyeni tiwone usange uwo ndi unesko. Tiyeni titore Genesis 3, ndipo tifufuze usange uwu ndi unesko, sono apo ise tikurutirira, chifukwa ise tikukhumba kuti tivimanyiske vinthu ivi, ivi vikusambizgika ndipo vikuperekeka nkhanira mwaunenesko. Ntheura mwakuti panyake nkhanira apa ise tiri na nyengo yichoko, chifukwa ise ntha tiri kutali chomene na ku umaliro sono, kuti tifike ku chigaŵa cha kuumaliro cha chisambizgo, kuti tiwoneske *chifukwa* na *kasi* kuli uli za kupatana, na vinyake ntheura. Sono mu Genesis chipatulo 3, ndipo ise tiyambirengi sono na vesi 3, na vesi 16. Tiyeni tiyambire pa vesi 14.

Ndipo YEHOVA...wakati kwa serpente, (sono Iyo wayitembenge iyi), Chifukwa iwe wa—iwe wachita ichi, iwe watembeka pa ng’ombe zose,...pa chikoko chirichose cha mu thengere; ndipo pa nthumbo yako iwe utiyenderenge, ndipo fuvu ndilo iwe utiryenge mazuŵa ghose gha umoyo wako:

Ndipo ine ndiŵikenge urwani pakatikati pa iwe na mwanakazi, ndipo pakatikati pa mbewu yako na mbewu ya mwanakazi; ndipo iyi yipwetekenge mutu wako, ndipo iwe uti upwetekenge chikandiro chake. (Kupangananga, “kwiziranga mwa mwanakazi,” Mesiya, kuti wawombole.)

Ku mwanakazi iyo wakati,...

¹⁹⁶ Sono wonani, sono apo pali phangano na serpente. Cheneicho, iwo wose wakaŵa makora chichali chindachitike, pa chiyambi, panji pambere chiyambi chikaŵa chindaŵeko.

Ku mwanakazi iyo wakati, ine ndiyandaniskenge chomene vitima vyako na pakutora nthumbo kwako;

ndipo *mu chitima* iwe utibabenge *wana*; ndipo *chilakolako chako chiwenge ku mfumu wako*, ndipo *iyoye wazamkukulamulira iwe*, (Ntha kuwaso wakuyana napachoko.)

¹⁹⁷ Sono mwanakazi wang'anamuka wazungulira, ndipo iyo ndi mulamuliri.

Ndipo kwa Adam iyo wakati, Chifukwa iwe wapulikira ku lizgu la muwoli wako, ndipo wanyako ku cha khuni, ku leneilo ine nkhakulangulira iwe, kuti, Iwe ungaryanga chara. . . ichi: litembeke dongo (Adam kutembeka chara, sono) *litembeke dongo chifukwa cha iwe; mu chitima iwe tiuryenge ichi mazuwa ghose gha umoyo wako;*

Minga. . . na mikwakwazu chizamkukupambikira iwe; ndipo iwe utiryenge mphanwe za mu munda;

Ndipo mu thukuta la chisko chako ndimo iwe tiuryerenge chakurya, mpaka iwe uwerere ku dongo; pakuti kufuma ku ili, kufuma ku ili ndiko iwe ukafuma; pakuti iwe ndiwe fuvu, ndipo ku fuvu ndiko iwe utiwererenge.

¹⁹⁸ Mapangano ghaŵiri. Sono icho chikujara “chiyambi,” cha icho Yesu wakayowoya, “Ichi ntha chikaŵa ntheura pa chiyambi.” Ise tiri na phangano linyake sono. Wonani, ndi phangano linyake. Sono liriko phangano ku chapakudanga, na chakupangika kufuma ku chapakudanga. Wonani, kuwa kukiziska suzgo, nyifwa, ku chilengiwa chirichose cha chakulengeka, kupanga mphambano mu kaŵiro kose. Sono tiyeni ise tiwone icho Yesu wakayowoya za, “kufuma ku chiyambi ichi chikaŵa ntheura chara.” Sono ichi chiri ntheura chara “kufuma,” ichi chiriko sono ichi chiriko “pamanyuma” pa chiyambi. Sono pali phangano lapaŵiri.

¹⁹⁹ Pakudanga likaŵa waka phangano, Adam na Eva ŵakaŵa wakuyana, mwanarumi yumoza na mwanakazi yumoza. Sono mwanakazi wakananga, ndipo (kasi iyo wakuchita vichi?) chira chikaŵaponya iwo wose ku nyifwa, ndipo Chiuta wakayenera kupanga phangano mwa icho, phangano linyake. Ili liri nkhanira apa mu Genesis 3:16, Iyo wakapanga phangano linyake.

²⁰⁰ Sono charu chikwenera kuti chizuzgikeso, ntha mwa chakulengeka cha pakudanga cha Chiuta, ngati mu chiyambi, ntha mwa chakulengeka cha pakudanga, kweni mwa chilakolako cha kugonana. Sono icho chikukhwaska vya “chiyambi,” chikuchita chara ichi? Mu chiyambi mukaŵa mwanarumi yumoza na mwanakazi yumoza, chanarumi chimoza na chanakazi chimoza; kweni para mwanakazi wakati wajumpha mzere ula ndipo wakiziska kwananga uku, sono charu chikwenera kuti chizuzgikeso, mwa kugonana, ntha mwa chakulengeka; mwakuchita kugonana. Mukuwona

apo mwanakazi wali sono, sono? Kweni umo ndimo charu chikuzuzgikira muhanyauno, kwizira mu wanakazi.

²⁰¹ Ndicho chifukwa Yesu wakayenera kwizira mu mwanakazi, kuti wachiwezegere ichi ku chiyambi chake cha pakudanga, kwambura chilakolako cha kugonana. Iyo wali kubabika na mwali. Kweni, haleluya, yizamkwiza nyengo apo ntha kuzamkuwaso kugonana, kweni Chiuta wazamkuchema wana Wake kufuma ku fuvu la charu chapasi, kale ngati ndiumo iwo wakaŵira pakudanga, ntha kwizira mu mwanakazi waliyose; kweni kwizira mu kuwumba kwa dongo na kuŵara kukuru, na mafuta, Iyo wazamkulengaso ngati ndiumo Iyo wakamuchitira Adam pa nyengo yakudanga. Yesu wakapanga ichi chamachitiko, mwa Chiuta kujipanga Iyoyekha Munthu na kwiza mu charu mwakuti Iyo wakamanya kufwa, kwizira mu mwanakazi uyu. Sono ndi nyengo yakuyezgeka, na kwananga.

²⁰² Sono imwe wonani ntheura, “pamanyuma” pachiyambi, ichi chikaŵa chinyake icho chikayambika. Sono ichi chimuzukumiskeninge imwe. Kasi imwe mwavuka? [Gulu likuti, “Chara.”—Munozgi.] Khalani waka chete mwakulutirira pachoko waka.

²⁰³ Ntheura para phangano lapaŵiri likati lapangika na mwanarumi na mwanakazi, kwizira mu kugonana, phangano linyake pamoza (ntha phangano lapakudanga, kweni phangano linyake), sono kasi ntchichi chakayambika? Mitala, mu vyose. Ntheura, pamanyuma pa chiyambi, mitala yikayambika mose mu ŵanthu na mu vinyama; pamanyuma pa chiyambi, kuwa. Chiuta sono, mwakupepurako, wakukhazikiskaso kaŵiro kanyake, mwakuchita kugonana. Chiuta wakalenga chakudanga kwambura kugonana. Kasi imwe mukugomezga icho? [Gulu likuti, “Amen.”—Munozgi.] Sono ndi phangano linyake na kaŵiro, Iyo wakukhazikiska ichi mu dongosolo linyake, mwakuchita kugonana. Phangano lachiŵiri: chanarumi chimoza, vyanakazi vinandi; nyiska yimoza yanarumi, gulu lose la nyiska zanakazi. Ndi unesko uwo? Nkhuzi yimoza, gulu lose la ng’ombe, zanakazi; tambala yumoza, baraza lakuzura na nkuku zanakazi. Ndi unesko uwo? David yumoza, wa pa mtima Wake Yekha, na ŵawoli fayivi handiredi; na wana handiredi wakubabika kwa iyo, mu chirimika chimoza, ku ŵanakazi wakupambanapambana, mwanarumi wa pa mtima Wake yekha Chiuta. Solomon yumoza, na ŵawoli sauzandi. Kweni wonani sono, ichi ntha chikaŵa ntheura pa chiyambi, kweni sono ichi chiriko “pamanyuma” pa chiyambi. Mwanakazi wali kuchita ichi, mwantheura iyo wakuzgoka waka icho iyo wali sono. Mukuwona?

²⁰⁴ David, fumu iyo yikayimirira Khristu! Sungani icho mu malingaliro ghinu. David wakayimirira Khristu. Kasi imwe mukugomezga icho? [Gulu likuti, “Amen.”—Munozgi.] Khristu wakukhazikiska... wazamkukhala pa chizumbe chake. Ndiipo

David uyu, mwanarumi wa pa mtima pa Chiuta Yekha, wakaŵa na ŵawoli fayivi handiredi. Mukuwona icho ine nkhang'anamura? David na ŵawoli ŵake fayivi handiredi, Solomon na ŵake sauzandi. Ndipo Solomon ndi mwana wa David, ku thupi; icho chikuyimirira Yesu Khristu, Mwana wa David, mu uzimu. Kweni icho ntcha kuthupi, umoyo wakwizira mu kugonana. Uwu uzamkuŵa wauzimu, wakulengeka, chifukwa, wakulengeka. Mukuwona? Umo ndimo kukaŵira pa chiyambi, kweni nthā sono mu umoyo uwo ise tikukhalamo sono.

²⁰⁵ Wonani, kuchiphonya chara ichi sono, torani chose ichi nkhanira pasi mu mitima yinu. Kweni nthā yumoza wa ŵanakazi ŵara wakamanya kuŵa na ŵanarumi ŵanandi. Mwanarumi ndi chakulengeka cha pa chiyambi, mwanakazi chara. Nthā yumoza wa ŵanakazi ŵara wakamanya kuŵa na mwanarumi yumoza wakusazgirapo, kweni mwanarumi yumoza yura wakamanya kuŵa na ŵawoli sauzandi. Icho ndi NTHEURA WAKUTI YEHOVA. Ilo ndi Baibolo. Sono ine ndaruta kunyuma, nangutora nyengo yane ndipo nangumuwooneskani imwe kunyuma uko ichi chikayambira, icho Yesu wakayowoya. Sono kasi imwe mukuchiwona ichi makoraghe? Iwo ŵakamanya kuŵa nawo ŵanandi. . .

²⁰⁶ “O,” imwe mukuti, “icho chikaŵa cha Israel pera.” Ndi nthēura?

²⁰⁷ Para Abraham wakaruta na Sara ku charu cha Ŵafilisiti, kukaŵa fumu kudera kula yakuthyika Abimeleki. Ndipo Sara wakaŵa wa virimika handiredi, nkhanira wakafikapo, kweni iyo wakasinthika kuwerera ku msungwana mwanichi ndipo wakazgoka wakatowa. Kasi imwe mukumanya icho? [Gulu likuti, “Amen.”—Munozgi.] Viri makora. Ndipo Abimeleki wakakhumbanga iyo kuti waŵe muwoli. Imwe mukukumbukira Uthenga wane pa ichi? Abimeleki wakakhumbanga kuti wamutore Sara kuŵa muwoli. Panyake wakaŵa nawo ŵanandi, kweni iyo nthēna wakamutora chara iyo usange iyo wakaŵa wakutengwa kwa Abraham. Nthēra Abraham wakati kwa Sara, “Ukayowoye kuti iwe ndiwe, ‘mdumbu wane,’ chifukwa iyo wamkundikoma ine mwakuti iyo wakutore iwe.” Ntchifukwa uli iyo nthā wakamuchimbizga waka Abraham kufumamo mu charu, na kumutora muwoli wake na kurutirira? Nthā dango likaŵa ku ŵakugomezga pera, kweni ku ŵanthu wose mu chakulengeka. Wakwananga panji mutuŵa, iwe uzamkuzgora, mwanarumi, chifukwa cha milimo iyi. Kukaŵa fumu yambura kugomezga. Kasi mbalinga ŵakumanya nkhani iyo njaunenesko? [“Amen.”] Ndi Baibolo, Genesis, pafupifupi chipatulo 16, ine nkhuhanaghana.

²⁰⁸ Imwe wonani, Abimeleki nthēna wakamutora iyo kuŵa muwoli. Iyo wakasimikizga iyoyekha kuti wamutore msungwana

muphya uyu wa Chihebere. Ndipo iyo wakati, “Uyu ndi wane . . .” Iyo wakati, “Uyo ndi mdumbu wane.”

Iyo wakati, “Uyo ndi mlongosi wane.”

²⁰⁹ Ndipo Abimeleki wakati, “ine ndimutorengi waka iyo kuwa muwoli ntheura.” Kasi imwe mungalingalira mwanarumi kuchita chinthu ngati icho? Kweni iyo wakachita ichi.

²¹⁰ Ndipo ntheura usiku ula, apo iyo wakaruta kukagona, Yehova wakawonekera kwa iyo mu loto, ndipo wakati, “Abimeleki, iwe ukuyana waka na munthu wakufwa.” Iyo wakavikiriranga chira, mtundu ula wa ndopa za Chiyuda kula, imwe wonani. Iyo wakati, “Iwe ukuyana waka na munthu wakufwa. Iwe watora muwoli wa mwanarumi munyake uyo iwe ukukhumba kuti utore.”

²¹¹ Iyo wakati, “Yehova, imwe mukumanya kunyoroka kwa mtima wane.” Wakati, “Iyo wakandiphalira chara ine kuti iyo waka wa ‘mdumbu’ wake? Iyoyekha wakayowoya chara, ‘Uyo ndi mlongosi wane?’”

²¹² Iyo wakati, “Ine nkhumanya kunyoroka kwa mtima wako, ndicho chifukwa Ine nangukhumba chara kukuzomerezga iwe kuti undinangire Ine.” Ndi unenesko uwo? Wakati, “Muwezegere muwoli wake, chifukwa mwanarumi yura ndi muprofeti Wane. Ndipo pekhapekha iwe wamuwezegera iyo muwoli wake. . . Ndipo zomerezga iyo wakurombere iwe, nth wasembe wako. Usange iyo nth wakukurombera iwe, mtundu wako wose wamara.” Amen. Apo pali uchizi wakuziziswa. Unenesko. “Mtundu wako wose wamara. Uyo ndi muwoli wa mwanarumi yura, ndipo iyo ndi muprofeti Wane.” Amen. Icho ndi NTHEURA WAKUTI YEHOVA. Ilo ndi Lemba. Unenesko.

²¹³ Sono ise tikusanga kuti, nyifwa yikanjira. Nyifwa yiri kwiza na kwananga kwa mwanakazi, yikizira mu mwanakazi ndipo nth mu mwanarumi. Mwa machitiro ghake gha kukhala kwa umoyo wake, na mwa iyo, nyifwa zose ziri kwiza. Nthowa yake yakubabira umoyo ndi nyifwa. Kasi mbalinga wakumanya icho? Job 14, usange imwe mukukhumba kuti mulembe Lemba.

²¹⁴ Ine ndiri nalo, usange imwe mukukayikira ichi, ine ndiri nagh Malemba ndalemba pa chirichose za ichi.

²¹⁵ Usange imwe mukukhumba kuti muwazge Job 14 uko, Ili likuti, “Munthu uyo ngwakubabika na mwanakazi ngwa mazuwa ghachoko, ndipo ngakuzura na suzgo.” Ndi unenesko uwo? “Iyo wakukura ngati luwa, iyo wakudumulikira pasi, ndipo wakufota,” na vinyake ntheura. Mukuwona? Munthu waliyose uyo ngwakubabika na mwanakazi, wakubabikira mu nyifwa para iyo wakufumira waka kuwaro.

²¹⁶ Kweni para iyo wababikira mu chakulengeka cha Chiuta, iyo wangafwa chara; iyo ngwakufumira ku Khuni linyake lira

ilo likaŵa mu munda wa Eden, Khristu. Umoyo Wamuyirayira ukwiza na Khuni.

217 “O,” imwe mukuti, “iyo wakaŵa khuni?” Nadi. “Inya, iwo ŵakati, ‘Imwe ntha mungaryanga vya khuni ili.’ Chiuta wakayowoya, mu Genesis kunyuma uko, ‘Imwe ntha mungaryanga vya khuni ili.’”

218 Inya, mwanakazi ndi khuni. Iyo ndi khuni la chipaso. Iwe ndiwe chipaso cha mama wako. Chipaso cha nthumbo ndimwe. Ndi unenesko. Ndipo ntheura chipaso cha Khuni la Umoyo, ilo likaŵa mu munda wa Eden, ndi Khristu. Kwizira mu mwanakazi kuli kwiza nyifwa; kwizira mu Mwanarumi, mu chakulengeka chapakudanga, mukwiza Umoyo. Kubabika na mwanakazi ndi nyifwa; kubabika na Khristu ndi Umoyo. Mukuyipulika fundo? Apo ndipo. Sono imwe mukuwona uko ŵachiuta ŵanakazi ŵakaruta, mukuwona chara?

219 Adam wakudanga na Eva ŵakayimirira Adam wachiŵiri na Eva, wonani, kwandaniskika. Sono kwandaniskika kwa Adam na Eva kukizira mu kugonana, kuti ŵazuzge charu chapasi, kweni ichi chikaŵa ntheura chara pa chiyambi. Chiuta wakalenga waka mwanarumi na mwanakazi, ngati ndiumo Iyo wakachitira na vilengiwa Vyake vinyake, wonani, mwadango, kuyana waka na Mpingo.

220 Sono tiyeni ise, mu kulaŵiska kwa Maunenesko agha ghakukhozgeka gha Chiuta, tifufuze mwakurutirira pachoko, usange imwe mukukhumba. [Gulu likuti, “Amen.”—Munozgi.] Viri makora. Sono ichi panji chimupwetekeninge imwe pachoko waka mpaka ise tifique nkhanira kusi kwa ichi, kweni ine ndimuwoneskeninge waka imwe Unenesko wa ichi.

221 Kulije mupharazgi uyo wangamanya kutora chokolo. Kasi imwe mukachimanyanga icho? Imwe mukukhumba kuti muŵazge icho? Viri makora, imwe munjire mu ŵaLevitiko, Leviticus 21:7 na Ezekiel 44:22, ndipo Ili limuwoneskeninge imwe kuti wasembe ntha wakayenera kuti watore mwanakazi uyo wali kukhwaskikapo na mwanarumi. Chithuzithuzi ichi ntcha mwali Mkwatibwi wa Yesu Khristu, chifukwa iwo ŵakakoranga Moto wa Chiuta, ŵasembe ŵakachita, ŵana ŵanarumi ŵa Aaron. Ise tilije nyengo kuti tiŵazge chose Ichi, na kuti tifume kufikira muhanya pakati, ise takhala na maminiti twente. Ndipo ŵara ndi ŵana ŵanarumi ŵa Aaron awo ŵakakoranga a—a—Moto wa Chiuta, mwantheura iwo ntha ŵakamanya kutora mwanakazi uyo wakakhwaskikapo na mwanarumi munyake. Chiuta wambura kusintha wakayowoya ntheura. Iwo ntha ŵakamanya kutora mwanakazi munyake, ndipo mwanakazi uyo wakakhwaskikapo na mwanarumi, kuwoneskanga mu chithuzithuzi apa, usange imwe mukukhumba kuti muchiwone ichi, kuti Mpingo wa Chiuta wamoyo ngutuŵa, wambura kusakanikirana, Mazgu

gha Chiuta, ndipo ntha bungwe ilo liri kukhwaskikapo na mwanarumi.

222 Wonani, tiyeni tiwazge ichi apa. Ine nkhukhumba kuti ndipereke ichi kwa imwe. Mateyu 5, Yesu wakayowoya apa za chinyake icho chiri na kukhumbikwira kukuru chomene. Ise tikukhumba kuti tichiwone ichi, Mateyu 5. Ine nangulemba pa lane. . .

223 Ine nanguchongamo vinthu vinyake ivyo ine nakhumbanga kuti ndiyowoye waka ku mwanarumi pera, ntheura ndiri na nyengo yichoko chomene kuyowoya ichi panthazi pa walongosi. Kweni ine nkhukhumba kuti—kuti ndifumeko kuno sono pambere. . .

224 Sono, mlongosi, ine nkhukhumba kuti ndikuwike iwe pa malo apo Mazgu gha Chiuta ghakakulayizga iwe, ndipo iwe uwoneseske pamanyuma kuti iwe ukukala mu malo agho, naweso.

225 Mateyu 5:32. Ine nkhukhumba kuti imwe muwone apa, kuti ndikhozgere fundo yeneiyi ya “yumoza” na “wanandi.” Mateyu, sate- . . . Ine nkughanaghana ndi Mateyu 5:32, 31 kuti tiyambirepo.

Kuli kuyowoyeka, Waliyose wapatenge muwoli wake, rekani iyo wamupe iyo kalata wa chipati:

226 Uyo ndi Yesu wakuyowoya, Mweneuyo wakati, “kufuma pa chiyambi.” Sono wonani.

Kweni Ine nkhumunenerani imwe, Kuti waliyose wapatenge muwoli wake, kwambura. . . chifukwa cha uzaghali, wakumupangiska iyo kuchita chigololo; . . . (wonani) waliyose wapatenge muwoli wake, kwambura. . . chifukwa cha uzaghali, wakumupangiska iyo kuchita chigololo: (Chifukwa? iyo watengwengeso) ndipo waliyose wakumutora iyo mweneuyo wapatika wakuchita chigololo.

227 Wonani, iyo wali na mfumu wamoyo, ntheura kulije mwanarumi wangamanya kumutora iyo. Nkhupwerera chara ivyo iyo wakuchita na icho iyo wali, iyo wali na mfumu wamoyo, kulije mwaŵi uliwose kwa iyo. Kweni, ichi ntha, ntcha mwanarumi. “Wakumupangiska mwanakazi,” ntha mwanarumi. Mukupulika ichi? Imwe mukwenera kupanga Mazgu ghayende mwawenenawene. Wonani, palije chikuyowoyeka kuti mwanarumi wangachita chara, kweni mwanakazi wangachita chara. Wonani, “wakumupangiska mwanakazi,” mwanarumi chara. Icho ndicho ndendende Baibolo likuyowoya, “wakumupangiska mwanakazi.” Ichi ntha chiri kulembeka kuti mwanarumi waleke kutoraso, kweni “mwanakazi.” Chifukwa? Khristu ndiyo chithuzithuzi.

228 Wonani, kuli kulembeka kuti mwanarumi wangatoraso chara, kweni mwali pera. Iyo wangamanya kutoraso. Iyo wangachita, iyo wangamanya kutoraso usange mwanakazi ndi mwali, kweni iyo wangatora chara muwoli wa munthu munyake. Chara nadi. Ndipo usange iyo watora mwanakazi wakupatika, iyo wakukhala mu chigololo, ine nkupwerera chara kwali iyo ndinjani. Baibolo likati, “Waliyose wakutora mwanakazi uyo ngwakupatika, wakukhala mu chigololo.” Apo imwe muli, ntha wakupatika.

229 Mukuchiwona chiyambi kunyuma kula, “kufuma ku chiyambi,” sono? Kutorangaso, sono wonani, mwanarumi wangachita, kweni mwanakazi wangachita chara. Ngati David, ngati Solomon, ngati wenenawene wa Baibolo lose, sono, chimozimozi ngati David na wanyake wose.

230 Sono imwe muwone mu Wakorinte Wakudanga 7:10, wonani, Paulos wakumulangula mwanakazi uyo ndi, uyo wakupata mfumu wake, kuti wakhilirire yekha panji wawererane, ntha kuti watengweso. Iyo wakwenera kuti wakhale yekha, panji kuti wawererekoso ku mfumu wake. Iyo wangatengweso chara. Iyo wakwenera kuti wakhale yekha, kweni, wonani, iyo ntha wakayowoyapo za mwanarumi. Wonani, imwe mungaghapanga chara Mazgu kuti ghatete. “Kufuma ku chiyambi,” dango la kugonana mwa mitala. Sono, Mazgu gha Chiuta ghakwenda mu unesko na kawiro ka Chiuta, ghakwenda mu wenenawene.

231 Mukuwona umo gulu linyake likarutira kuvuma, ndipo linyake limoza likaruta kuzambwe, pa ichi? Imwe mukwenera kuti muwerere ku Unesko, kuti musange kasi ichi ntchichi.

232 Ichi nyengo zose chiri kuwa ntheura, ilo ndi phangano lanyengo zose na Chiuta kufuma ku chiyambi. *Lakudanga*, pambere chiyambi chikaŵa chindaŵeko, kufuma ku chiyambi kukaŵa waka chimoza na chimoza. *Pamanyuma* pakuti kwananga kukati kwafika, ntheura kukaŵa mwanarumi yumoza na gulu la wanakazi; chikayenda ntheura mu chilengiwa, chinyama chirichose, na wanthu ndipo munofu wa thupi ndi chinyama. Ise ndise vinyama, ise tikumanya icho, tose ise, wonani, ndipo vyose ndi chilengiwa cha Chiuta mu wenenawene.

233 Kweni sono kuti Vididimizgo vyajurika, Mzimu wa Unesko ukutirongozgera ise ku Mazgu. Icho chikurongosora chifukwa icho kwanangiska kose kula kukachitika mu miwiro, chifukwa Vididimizgo vikaŵa vindajurike, Ichi chikaŵa chindavumbukwe. Uwu ndi unesko.

234 Wonani, imwe, imwe mungapangiska chara kuti mizgezge yitondeke. Umo ine nkapharazgira kwa imwe usiku wamara za chizgezge kuwoneka pasi, ichi chikwenera kuti chiphare unesko. Kasi chingaŵako uli chizgezge cha zovu kuwoneka

pasi, ndipo muchoko waka, munthu wakughanda wawoneke kuwa zovu, panji zovu kuwa muchoko, munthu wakughanda?

²³⁵ Sono usange imwe muchiwonenge ichi mu chithuzithuzi cheneko.

²³⁶ Sono, waliko mwanakazi muneneska, mwanakazi muneneska, mwali, uyo wakutengwa kwa mfumu wake, ndipo wakukhala, ndipo iyo ndi chinthu chakutumbikika ku mwanarumi. Usange Chiuta wakaperekenge ku mwana Wake chinthu chiweme kuruska muwoli, Iyo nthena wakapereka icho kwa iyo.

²³⁷ Kweni iyo wali kupangikira ku mlimo wakugonana, ndipo kulije chinyama chinyake chiri kupangika ngati nthaura. Kulije chilengiwa chinyake pa charu chapasi chiri kupangika ngati nthaura. Ndicho chifukwa imwe mukuwona mitala, chifukwa cha icho. Icho ndicho chikayambiska ichi.

²³⁸ Sono wonani, mu kufufuza kwaumaliro, wonani, kuli Yesu Khristu yumoza (ndi unenesko uwo?), Mwanarumi yumoza, Chiuta, Immanuel. Kasi imwe mukugomezga icho? [Gulu likuti, “Amen.”—Munozgi.] Kweni mamembara gha Muwoli Wake ndi ghanandi, wonani, masauzandi kwandaniska masauzandi gha masauzandi (ndi unenesko uwo?), Muwoli Wake, Mkwatibwi, Mpingo. Imwe mukupulikiska sono? [“Amen.”]

²³⁹ Ndicho chifukwa Iyo wakati kwa Adam, pambere kugonana kukaŵa kundachitike panji kuyambika, “Yandanani, kuti muzuzge charu chapasi,” para iyo wakaŵa wachali mu chiyambi, para iyo wakaŵa wachali vyose mwanarumi na mwanakazi mwa iyoyekha. Kula, chikuwoneska pamanyuma kuti Mkwatibwi wakwenera kuti wafike kufuma ku Mazgu, mwa kwandana kwauzimu, kwandananga, wonani, kuzuzganga charu chapasi.

²⁴⁰ Sono mu mlimo wakugonana, wonani, magulu ghakatora vinthu viwiri ivyo kusazgikana. Ipo imwe mungachita chara ichi, imwe mukwenera kuti muchiwezgereso ichi ku Unenesko wa ichi, “mu chiyambi.”

²⁴¹ Ndipo pa umaliro pazamkuŵa yumoza Fumu Yesu, na Mkwatibwi Wake wanandi, yumoza. Imwe mukupulika ichi? Pakaŵa David yumoza pa chizumbe chimoza, fumu yimoza (wa pa mtima Yekha wa Chiuta) na wawoli fayivi handiredi. Yesu wakhala pa Chizumbe Chake, haleluya, mu Mileniyamu, na Muwoli; ngati ndiumo kukaŵira pa chiyambi, wakamulenga kufuma ku dongo, na woko la Chiuta Mwenenkhongono, mu chiwuka, cha mamembara ghanandi. Apo imwe muli.

²⁴² Mwaŵanakazi, limbikirani kuŵa icho, njirani mwa Khristu, mwanthaura imwe nthu muwenge mu ukazuzi ula kuwaro uko. Kweni malinga iwe ndiwe waka membara wa mpingo kuyezganga kukhala umoyo waurunji na uweme, wamwene, iwe ufiskenge chara ichi. Nesi mwanarumi wangamanya kufiska ichi kuwaro kwa Khristu. Umo Paulos wakarutirira

kuyowoya, “Kweni iwo wali mwa Khristu, kulije mwanarumi nesi mwanakazi.” Iwo wose ndi yumoza.

²⁴³ Kweni kuti tipange ichi *Nthengwa Na Kupatana* kupulikiskika, nthaura kuti imwe mungamanya kasi chaunenesko chikaŵa chivichi ndipo chakwanangika chikaŵa chivichi, sono Iyo wakuwoneska pakweru apa mu vithuzithuzi ivi. Kuli Khristu yumoza; ndipo mamembara ghanandi gha Mwanakazi yura. Wonani, Iyo wangamanya kutipata ise chifukwa chakuchita mauzaghali ghauzimu na chisambizgo chautesi, nyengo yiriyose Iyo wakukhumba kuchita; kweni kasi imwe mukuchitorankhu chikanga cha kuyezga kumupata Iyo, na kupanga ichi? Mwanarumi wangamanya kumupata muwoli wake na kutora munyake; kweni nthu mwanakazi kupata mfumu wake na kutoranaso na munyake. Mukuwona mizgezge yose na vithuzithuzi kula vikukoleranako ndendende? Wonani chakulengeka cha pakudanga; nthu chakuchita kupangika kufuma kunyake kulikose. Nthu mpingo; Mkwatibwi kwizira mu Mazgu. Nthu mwanakazi; mwanarumi, nyengo yiriyose. Ndicho chifukwa ili nthu likuyowoya chirichose kukanizga mwanarumi kuchita ichi; nyengo zose ndi mwanakazi. Icho ndi ndendende.

²⁴⁴ Kweni mwanakazi wangamanya kuŵa Mkwatibwi wa Khristu, pa kuchita... Ndipo kumbukirani, iyo pakuŵa gawo la mwanarumi, Baibolo likati iyo wangachita pa-... “Kweni ine nkhezomerezga chara mwanakazi kuti wasambizge, panji kuŵa na mazaza ghalighose, kweni kuŵa mu chisisi. Pakuti Adam ndiyo wakadanga kulengeka, ndipo pamanyuma Eva. Ndipo Adam wakanyengeka chara, kweni chakuchita kupangika kufuma ku chinyake chikanyengeka. Ndipouli iyo wazamkuponoskeka *usange* iyo wakurutirira mu utuŵa na kuzika, na mu kubaba wana, na vyose vyantheura,” chifukwa mwantheura iyo wakuzgoka gawo la mwanarumi uyu. Icho ndicho chikupangiska... .

²⁴⁵ Ntchifukwa uli Abraham nthu... .Ntchifukwa uli Chiuta nthu wakamukoma Sara wakhala nkhanira apo, kughakana, na kutetanga nkhanira pamaso pa Chiuta? Wakhala apo ngati Munthu muthupi, kuryanga nyama, kuryanga chingwa, kumwanga mkaka, ndipo Iyo wakati, “Ntchifukwa uli Sara wakaseka kunyuma kula kuseri,” kunyuma kwa Iyo, mu hema, Iyo wakaŵa wandamuwonepo iyo, “wakuyowoya ichi, ‘Kasi vinthu ivi vingawako uli?’”

²⁴⁶ Iyo wakati, “ine nthu nanguyowoyapo ichi!” O-o, mwe, ukuphalira Chiuta kuti Iyo ndi mutesi, pa maso Pake? Kweni Iyo nthu wakamukoma iyo. Chifukwa? Iyo wakaŵa gawo la Abraham. Amen. Iyo nthu wakamanya kumupweteka iyo kwambura kupweteka Abraham.

247 Sono imwe mwaŵanakazi wonani uko imwe muli. Ndipo Baibolo likati, “Imwe mwaŵanakazi khalani ngati ndiumo Sara wakaŵira, uyo wakajitozga iyoyekha na malaya ghaweme, wakakhala umoyo wakugomezgeka na muneneska kwa mfumu wake yekha, kumutemwa chomene iyo mwakuti iyo... iyo wakamuchema iyo ‘fumu,” mulamuliri, mweneko.

248 Ndipo imwe, mwaŵanakazi ŵanyake, mukuvwara malaya agha ghaukazuzi ndipo mukuruta kuwaro uku kuti mujiponye mwaŵene panthazi pa mwanarumi. Yesu wakati, “Waliyose wakumulaŵiska mwanakazi kumudokera iyo wachita kale chigololo na iyo mu mtima wake.” Ntheura kasi wakwananga ndinjani, mwanarumi panji iwe? Iyo ndi mwanarumi, wali kupangika kuti iyo wangachita ntchito iyi, wonani; ndipo iwe ndiwe mwanakazi, iwe ukwenera kuti ukane.

249 Ndipo kasi ntchifukwa uli iwe ukujiwoneska wamwene pakweru ngati ntheura? Ichi nthu ndi chifukwa chiweme, iwe ukumanya ichi chingaŵa ntheura chara, para iwe wajiphathirizgira nkhanira ku nyifwa na ŵakabunthu awo wavwara. Wona, chingaŵa chifukwa chiweme chara. Ntheura kasi ntchichi ichi? Ndi ukazuzi! Iwe ungazomerezga chara ichi, kweni ndi Baibolo likuyowoya ntheura. Ndi Unenesko. Ndi mzimu wa ukazuzi uwo uli mwa iwe. Iwe ukukhumba chara kuŵa mukazuzi; kweni iwe ukumanya chara, ku uzimu iwe ndiwe mukazuzi, chifukwa iwe ukujiwoneska wamwene mukazuzi.

250 Sono, mwanarumi, ghake ghakale, ghakubinkha, makongono ghamateŵe, ndipo usange iyo nthu wakavwara chirichose, nthu chingapanga mphambano yiriyose, thupi lake ndakunyenga chara. Chifukwa? Iyo wakaŵamo mu chakulengeka cha pakudanga, nkharo; wakwenera kuŵa, wonani. Kweni, iwe ndiwe wakuchita kupangika, kuti unyengere.

251 Chiuta, mutilengere lusungu! O, mwe, charu ichi chakwananga! Ine ndikondwerenge para ichi chamara.

252 Wonani, Iyo wangamanya kumupata muwoli Wake nyengo yiriyose Iyo wakukhumba, kweni mwanakazi wangamupata chara Iyo; Iyo wangamanya kundipanga ine, Iyo wangamanya kundiponya ine mu fuvu nyengo yiriyose Iyo wakukhumba kuti wachite, kweni, o, m’bale, ine ntchiweme ningayezganga chara kumuponya Iyo uko, ine ndamara.

253 Solomon wakamanya kutora mwanakazi waliyose uyo nthu wakaŵa wakutengwa, iyo wakamanya kutora mwanakazi waliyose iyo wakakhumba kutora. Wasembe wakamanya kutora mwanakazi yekha pera uyo wakaŵa mwali. Solomon . . .

254 Ngati David, iyo wakatora (kasi zina lake wakaŵa njani?) Abigel. Mweneuyo, kukaŵa mwanarumi wakathyika “chindere,” iyo wakaŵa na muwoli muweme, ndipo iyo wakafwa. Ndipo

Abigel wakatengwa kwa David; iyo wakaŵa fumu, ntha wasembe, wonani, ntheura iyo—iyo wakatora.

²⁵⁵ Kweni wasembe ntha wakayenera kuchita icho, chifukwa iyo wakakhwaskika panji wakatora mwanakazi kuti waŵe muwoli wake uyo wakaŵa kale muwoli wa mwanarumi munyake. Ntheura icho chikuwoneska umwali wa Mpingo wa Fumu Yesu Khristu, Mkwatibwi wakwenera kuŵa wambura kukhwaskika, Mazgu, ntha Lizgu limoza kusoŵangapo pamalo panyake. Nadi. Kasi imwe mungaghanaghanira mkwatibwi wakwenerera, bere limoza kulije, ndipo, limoza linyake, chinyake chakwanangika, imwe mukumanya? Uyo ntha waŵenge Mkwatibwi wa Khristu. Iyo ngwakufikapo. Iyo ndi chirichose Mazgu, ntha Lizgu limoza kutondekapo palipose. Chara.

²⁵⁶ Wonani, Iyo wangamanya kumupata mwanakazi, kweni mwanakazi wangamupata chara Iyo. Iyo wakachita ichi, wali kusimikizgira ichi, mu mazuŵa apo Luther, Wesley, na Pentekoste, para iwo ŵakana kuŵa gawo likuru la Iyo pa kuchita kuŵa mu ubwezi wa kugonana mwauzimu kuti watore nthumbo na chigaŵa chikuru cha Mazgu. Imwe mukupulikiska? Iyo wakakana. Mpingo wa Luther ukamukanira Khristu kuŵa na chilakolako chirichose chakurutirirapo na iyo; Luther wakakana ichi. Ndipo rekani ine ndiyowoye ichi, mundizunurenge ine chinyake mu nthowa yiriyose; ntheura ndimo kuliri muhanyauno na waliyose wa iwo, iwo ŵakutondeka kutora Mazgu ghara, iwo ŵakumukana Khristu!

²⁵⁷ Ndipo mwanakazi waliyose uyo wakukana mwanarumi kumubabira mwana wake, walije mazaza kuŵa muwoli kwa iyo. Amen. Imwe mukukumbukira, mu Baibolo, para fumu yikati yatora Estere? Chifukwa fumukazi yikakana, iyo yikajitorera waka munyake yumoza. Ndipo para a...Kasi ntchichi chikachitika para iyo wakati wakana kwiza kwa fumu na kumupulikira iyo? Chinthu chenechira ndimo kuliri na mwanakazi uyo wakukana kuŵa muwoli ku mfumu wake.

²⁵⁸ Ndipo ntheura ndimo kuliri na mpingo uwo ukukana kutora nthumbo mu muwiro mwenemumo ise tikukhala sono, kuti ubabire ŵana ku muwiro uwu. Ise ndise ŵa Lutheran chara, ise ndise ŵa Wesley chara, nesi ise ndise ŵa Pentekoste! Ise tikwenera kuŵa ŵana ŵa muwiro uwu, kwizira mu kutora nthumbo ya Mazgu gha Chiuta, kuti tibabe Mwana wa muwiro uwu, Mwana wa Mbewu. Amen. Ine nkugomezga imwe mukupulikiska. Ntha wangatora nthumbo, chara, ntheura kasi Iyo wakachita vichi? Wakamupata iyo, mu chipati. Uwo mbunenesko. Kweni iyo ntha wangachitanga chikanga kumupata Iyo. Iyo wakamupata mwanakazi.

²⁵⁹ Iyo wakarutirira kuvumburanga Mazgu Ghake ku Thupi, na kumukhozgeranga Iyo, chimozi, mwa Iyoyekha. Ŵana Ŵake ŵakayamba kuwoneka chomene ngati Iyo, chifukwa Agha

ghakufika pa kukhwima kweneko, panji, iwo wákuzgoka wána wa Mazgu, ntha wána wa mpingo. Wána wa Mazgu! Ndipo Mkwatibwi wazamkuwa Dona muchoko wakupwererera Mazgu, wambura kusakanikirana, wambura kukhwaskika na bungwe lirilose la munthu, fundo yiriyose yakupangika na munthu. Iyo wazamkuwa nkhanira mutuwa wambura kukhwaskika, Mkwatibwi wa Mazgu! Amen na amen! Ine nkugomezga imwe mukupulika icho, kuwaro mu mphepo. Iyo wazamkuwa mwana mwanakazi wapakati wa Chiuta.

²⁶⁰ Mukuwona kasi ndi kuchindikika kukuru uli mwanakazi wangamanya kuwa? Mukuwona kasi ndi chinthu chikuru uli mpingo ungamanya kuwa, kweni imwe mukuwona uko ukazuzi wamufiska iyo? Pamanyuma kuyezganga kulinganizga mpingo ula kuwaro kula na Mpingo apa, imwe mungachita chara ichi. Ndipo mukuyezga kulinganizga muzaghali wa pa msewu na Mpingo wa Chiuta wamoyo; panji mwanakazi, mwanakazi wakwenerera, na muzaghali?

²⁶¹ Ntchifukwa uli kuli vinthu ngati icho? Ndi dango la Chiuta, dango la kupambaniska. Kasi ise timanyenge uli kusekerera mu kuwara kwa zuwa usange ntha ukawako usiku? Kasi ise timanyenge uli kusekerera mu nyengo ya chihanya usange ntha yikawako vura? Kasi ise timanyenge uli kusekerera na kumuchindika mwanakazi mweneko, usange ntha wakawako yumoza wakubinkha?

²⁶² Wakarutirira nkhanira kuvumburanga Ichi, kuvumburanga Mazgu Ghake, kweni ntha wangachitanga chikanga munyake wa ise kuti wayezge kumupata Iyo na kutora munyake.

²⁶³ Sono nadi ichi chiri pakweru chifukwa icho fundo zose ndi zakwanangika. Imwe mungapanga chara ichi kuti chikhale *ntheura*, ichi charuta; imwe kupanga ichi kukhala *ntheura*, ichi chingamanya kuchimbira kuduka phangano. Apa pali phangano, apa pali chinthu nkhanira apa. Mazgu ntha ghakususkana. Ichi chikwenera kuti chikhale mu wenenawene sono, umo Mateyu 28:19 ntha wakususkirana na Milimo 2:38.

²⁶⁴ Sono, wanakazi wanyake wa imwe, wanmarumi wanyake wa imwe, ine—ine nkhumanya imwe a—imwe mukususkana nacho Ichi. Chifukwa, imwe mukumanya, imwe mungabisa chara icho sono nthena. Imwe mungachita chara.

²⁶⁵ Kweni rekani ine ndimuwoneskeni waka chinyake imwe. Usange Mateyu 28:19 wakati, “Ntheura imwe rutani, mukasambizge mitundu yose, kuwabapatiza iwo mu Zina la Wiske, na la Mwana, na la Mzimu Mutuwa,” ndipo iwo wakang’anamuka, ndipo munthu waliyose uyo wakabapatizika wakabapatizika mwa kususkana na icho, kubapatizika mu Zina la Yesu Khristu, pakuti nanga ndi mose mu muwiro wa Baibolo na virimika firi handiredi pamanyuma pa muwiro wa Baibolo, kufika ku Mphara ya Nicaea. Ntheura iwo wakatora visambizgo

vya munthu m'malo mwake. Kasi mphambano ndi vichi, usange ichi ntha chiri kuvumbukwa?

²⁶⁶ Ndipo kasi imwe mukumanya Buku lose, Baibolo lose, ndi uvumbuzi? Ndi imwe mukwenera kuti muwumanyire unenesko pakatikati pa chimoza ichi na chinyake, ndi chifukwa chakuti Uwu ndi uvumbuzi. Ndipo uvumbuzi ukwenera kuwa ndendende na Mazgu, ntha wakususkana na Mazgu. Imwe mukuti, “Inya, ine, ichi chikavumbukwa kwa ine.” Ntheura usange ichi chikususkana na Mazgu, ichi ntha chikafuma kwa Chiuta. Uwo mbunenesko.

²⁶⁷ Sono usange imwe mukukhumba kuti mutore Mat... Mateyu 16:18. Yesu wakayowoya, Iyoyekha, kuti Mpingo wose, Mpingo Wake, uzengekege pa uvumbuzi wauzimu wa Iyoyekha, cheneicho ndi Mazgu. “Ine nkhukunenera iwe, kuti iwe ndiwe Petros... Ndipo thupi na ndopa ntha vyakuvumburira ichi kwa iwe, kweni Wadada Wane awo wali Kuchanya wavumbura ichi kwa iwe. Ndipo pa jarawe ili...”

²⁶⁸ Sono, ine nkhumanya, wabwezi withu wa Katolika uko, imwe mukuti, “Uwu ukazengeka pa Petros, ndipo Petros mupostoli, ntheura, *Wakuti-na-wakuti*, mu kuzomerezgeka kwa upostoli, mu uhaliri.”

Wa Protestant wakati, “Uwu ukazengeka pa Yesu Khristu.”

²⁶⁹ Ntha kuwa wakusuka, kweni kutora waka icho Iyo wakayowoya! Iyo wakati, “Thupi na ndopa ntha vyavumbulira ichi kwa iwe, kweni Wadada Wane awo wali Kuchanya wavumbura ichi kwa iwe. Ndipo pa jarawe ili” (uvumbuzi wauzimu wa icho Mazgu ghali) “Ine ndizengengepo Mpingo Wane; ndipo vipata vya gehena ntha vizamkuwubwangandura Uwu.” Muwoli Wake ntha wazamkunyengeka na wanarumi wanyake. “Ine ndizengenge Mpingo Wane, ndipo vipata vya gehena vingausunkhunya chara Uwu.”

²⁷⁰ Ndipo Abel na Kayini, mu munda wa Eden. Kayini wakasanga kapulikiskiro kake yekha, iyo wakati, “Sono, wona, Chiuta ndi Chiuta muweme. Iyo ndi mulamuliri wa chilengiwa chose, ntheura ine nditorenge ntchungu na mboholi, ndipo ine nditorenge a—maluwa, ndipo ine ndimupangirenge Iyo guwa lakutawa makora.” Uwo ndi mpingo. Iyo wakagwada pasi. Iyo wakamugomezga Chiuta. Iyo wakamusopa Chiuta, wakakwezga muchanya mawoko ghake, ndipo wakapereka sembe iyi. Iyo wakachita chirichose chاوزimu icho Abel wakachita.

²⁷¹ Abel wakazenga mtundu wakuyana wa guwa. Kweni para Abel wakati wafika na yake, iyo wakiza na mwanamberere. Sono, Kayini wakaghanaghana kuti, kupanga chakumazgira kwananga, kuti adada wake na amama wake wakayenera kuti wakarya chipaso, umo iwo wakasambizgikira mu munda ula. Kweni Abel, mwa uvumbuzi Wauzimu, wakamanya kuti zika wa ndopa izo zikachita ichi. Mwa uvumbuzi Wauzimu! Ndipo

Baibolo likayowoya mu Ŵaheberere, chipatulo 12, chipatulo 11, kuti, “Abel, mwa chipulikano,” (uvumbuzi) “wakapereka kwa Chiuta sembe yiweme chomene kuruska Kayini, mwa cheneicho Chiuta wakayowoya kuti iyo wakaŵa murunji.” Ndi unenesko uwo? [Gulu likuti, “Amen.”—Munozgi.] Amen! M’bale, mlongosi, ichi chiri waka pakweru umo chinyake chirichose chingamanya kuŵira, kwa ine. Apo pali chinthu chose.

²⁷² Sono pa *Nthengwa Na Kupatana*, wonani, ichi chikwenera kuti chivumbukwe. Mpaka ichi chivumbukwe, imwe nth mukuchimanya ichi. Kweni Iyo wakalayizga mu mazuŵa agha ghaumaliro, mu muwiro uwu, kuti chisisi chirichose chakubisika mu Baibolo chizamkuvumbukwa. Kasi mbalinga ŵakumanya icho? Chivumbuzi, chipatulo 10! Yesu wakalayizga ichi, kuti visisi vyose vyakubisika ivi pa—pa *Nthengwa Na Kupatana*, visisi vinyake vyose vyakubisika ivi ivyo viri kuŵako, vizamkuvumbukwa mu nyengo yaumaliro. Sono imwe kumbukirani, Lizgu likati, “Ruta ku Tucson.” Mukukumbukira Kuŵara kwamchindindi mu mtambo; Mungelo wa nambala seveni wayimirira apo; wakiza, na kujurika kwa Vididimizgo Seveni? Wonani icho chikachitika. Uwo ndi unenesko.

²⁷³ Sono kurutirizgako pachoko waka. Kweni sono, pulika iwe! Ine nkhumanya yikufika nyengo yakuti imwe murute mukarye, kweni ine nkhuriya waka makora. [Gulu likuti, “Amen.”—Munozgi.]

²⁷⁴ Wonani, sono, mwanakazi wali nagho malo ghake, ndipo iyo ndi chitoweskero. Solomon, mwanarumi uyu uyo wakaŵa na ŵawoli teni sauzandi. . . panji wakaŵa na ŵawoli sauzandi, mphanyiko, iyo wakayowoya kuti, “Mwanarumi uyo wasanga muwoli, wasanga chinthu chiweme.” Iyo wakati, “Mwanakazi muweme ndi chitoweskero mu mphumphu yake,” uwo ndi ulemu. “Kweni muheni ndi maji mu ndopa zake,” uwo ndi umoyo wake. Iyo wakati, “Panji pangasangika mwanarumi murunji yumoza mu sauzandi,” Solomon wakayowoya ichi, “kweni,” wakati, “imwe nth mungasangapo mwanakazi murunji yumoza mu sauzandi.” Solomon wakayowoya icho, wonani. Sono wonani icho, umo ndimo ichi chiliri.

²⁷⁵ Kweni, imwe wonani, mwanakazi, iwe ndiwe—iwe ndiwe chitoweskero usange iwe ukukhumba kuŵa chitoweskero, kweni chilakolako chikwenera kuŵa mwa iwe. Ndipo imwe mukuwona chifukwa icho *Nthengwa Na Kupatana* vikaŵirako, cheneicho Yesu wakatitorera kunyuma kula, chikaŵa chifukwa mtundu wako ukaŵa chiyambi cha kwananga kose. Ndicho chifukwa mitala na kupatana, na vinthu, vikayambika. Pa chiyambi kukaŵa nthaura chara, ndipo nth kuzamkuŵa nthaura mu charu icho chikwiza.

²⁷⁶ Muwoneni Jacob, mwa mweneuyo mukababika ŵasekuru. Iyo wakaŵa pafupifupi na ŵawoli thweluvu. Iyo wakatora

ŵalongosi ŵawiri ŵakudikana, ndipo wakaŵa na ŵawoli ŵamuseri kusazgirapo apo, ŵanakazi ŵambura kuzomerezgeka mu mwambo wa nthengwa awo iyo wakakhalanga nawo. Ndipo ŵasekuru ŵara ŵakababikira nkhanira mu ŵawoli ŵamuseri. Ndi unenesko uwo? [Gulu likuti, “Amen.”—Munozgi.] Wonani, imwe mukwenera kuti mughapange Mazgu ghayende makora.

277 O, ine ndiri na mapeji pa iwo. Usange munthu mupharazgi wandifumbenge ine pa ichi, ndipo ise tingamanya kucezga pamoza, ise tingamanya kuyowoya ichi. Kweni nadi, usange iyo wali na uzimu uliwose pa ichi, iyo wangamanya kuwona nkhanira apa uwu ndi Unenesko. Kulije fumbo ku Ichi.

278 Mwanakazi muweme ndi chinthu chiweme. Ine nkhumanya icho. Ine nkhumanya ichi mwa ŵanakazi ŵeneko. Ine ndiri kukumanapo na ŵanakazi ŵeneko awo mbanadi, ŵakufikapo waka ngati ndiumo mwanarumi waliyose wakayendera.

279 Iyo ndi wakuchita kupangika kufuma ku chinyake ndipo chiduswa cha mwanarumi, ndipo pa kuwa mwanarumi wakategherezga kwa iyo. Iyo mbwenu... Iyo ndi gawo la mwanarumi. Kweni, ichi chiri kwa iyo, iyo wali kupangika kuti iyo ŵangamanya kuŵa mukazuzi, ndipo iyo wali kupika mazaza kukana panji kuzomera. Icho ndi chakususkana na chilengiwa cha pakudanga pa chiyambi, wonani, kweni apo imwe muli.

280 Sono ndi thweluvu koloko, ntheura ine ndivilekenge waka vinyake apa pa maminiti ghachoko. Ine nkhuKhumba kuti ndimufumbeni chinyake imwe.

281 Sono, kumbukirani, ine nkhuYowoya ichi ku gulu lane pera. Ndipo kuwaro mu mphepo, ine nkhuYowoya ichi ku ŵekha pera ŵakundirondezga ŵane. Uthenga uwu ngwa ku iwo pera, na icho ine ndiyowoyenga apa.

282 Mupharazgi waliyose, iyo, uyo wali nawo wake, inya, iyo ndi mliska wa mskambo, murekani iyo wachite chirichose iyo wakukhumba. Icho chiri kwa iyo na Chiuta. Wasembe waliyose, mupharazgi waliyose, icho chiri kwa iwe, m'bale wane.

283 Ine nkhuYowoya kuno pera mu Jeffersonville, malo ghekha pera uko ine ningamanya kuyowoyako ichi, ndi chifukwa chakuti ndi mskambo wane ndamwene. Ndi mskambo uwo Mzimu Mutuŵa wandipa ine kuti ndipulikiske kuŵa mulaŵiriri wawo, ndipo Iyo wazamkundifumba ine pa ichi. Ndipo ŵanthu ŵane aŵa ŵali kuŵa ŵakuphenduka kuno kufuma charu chose, awo ine ndiri kuŵarongozgera kwa Khristu. Ndipo, mwatwana tuchoko, ine ndiri pano kumovwirani imwe, ndipo ine ndine mubwezi winu. Imwe panji mungaghanaghana kuti ine nkhuYowoya kumutinkhani imwe; ine nkhuYowoya ichi, wonani, ku uweme winu. Ine nkhumutemwani imwe. Ndipo usange icho chiri ntheura chara, Chiuta ndi Mweruzgi wane. Imwe mukumanya ine nkhumutemwani imwe.

284 Ichi ndi chinthu chikuru chakofya, ine nangumanya chara umo ine ningachiperekera ichi. Kasi ine ndichitenge vichi, apo ine ndiri nawo wânarumi na wânakazi wâkhala mu gulu lane, wanyake wâ iwo wâli kutorapo kaŵiri panji katatu? Wânarumi waweme na wânakazi waweme, wose mbakutimbanizgika! Kasi ntchichi chiri kupanga ichi? Chisambizgo chautesi, ndendende, kuleka kulindizga kwa Fumu.

285 “Icho Chiuta wagumatizga pamoza, paŵavye munthu wapatulanye.” Ntha icho munthu wagumatizga pamoza; icho “Chiuta” wagumatizga pamoza! Para iwe wapokera uvumbuzi wakufuma nkhanira kwa Chiuta, uyo ndi muwoli wako, ndipo chinthu chenechira, uyo ngwako, umoyo wako wose. Mukuwona? Kweni icho munthu wagumatizga pamoza, waliyose wangamanya kupatulanya. Kweni icho Chiuta wagumatizga pamoza, paŵavye munthu wachite chikanga kuchikhwaska ichi. “Chirichose icho Chiuta wagumatizga pamoza,” Iyo wakati, “paŵavye munthu wapatulanye.” Ntha icho munyake mweruzgi-muloŵevu hafu panji munyakeo wagumatizga pamoza, panji mupharazgi munyake wakuwerera kunyuma na mulu wa kachitiro ka vigomezgo mu buku, uyo wangaŵazomerezga iwo kuchita chirichose mu charu, ndipo Mazgu gha Chiuta ghali nkhanira apo. Mukuwona? Ine nkhuoyoya za icho Chiuta wakagumatizga pamoza.

286 Sono ine ndiyowoyenge ichi kwa imwe. Ine nkhuwperera chomene ivyo ine nkhuoyoya kwa imwe. Ine ntha nkhang’anamura kuŵa wankhaza kwa mwaŵanthu imwe. Ine ntha nkhang’anamura kuŵa wankhaza kwa imwe, wabale wâne waliska. Ine ntha nkhang’anamura icho. Kweni ine ndizamkuzgora, pakumanya kuti ichi chiri kuperekera mu mawoko ghane. Ndipo usange. . . Ine ningachisungirira chara Ichi. Ine nkhumanya chara umo ine ningachiperekera Ichi, ndipo ine nkhumanya kuti tepi iyi yirutenge. O, mwe, ine ndinozgekerenge waka, ofesi njakujurika, chifukwa ichi chikwiza. Mukuwona?

287 Ngati ndiumo ichi chikaŵira pa *Mbewu Ya Serpente*, kweni chiri kusimikizgika kuti ndi chaunenesko nadi. Ine ndiri nazo nkhanu nkhanira apa, kufuma mu nyuzi, uko wânakazi sono nthena. . . nanga ndi mu—mu vikuruvikuru. . . Vigaŵa vinyake vikuruvikuru viri navyo vithuzithuzi vya yapakudanga, njoka yikukhwaŵa pa rundi la mwanakazi, na umo iyi yikumuzungulira waka iyo; iyo wali na mitundu yose ya mamanyiro na vinthu, chinyake mwanarumi ntha wangamanya kumukhwaskira nacho, na njoka yikuru iyi yamukulunga iyo, na vinyake ntheura. Uwo ndi unenesko ndendende. Ndipo ichi chikurutirira kuhenipa na kuhenipa, ndipo ichi chihenipenge. Serpente, cheneicho iyo ntha wakaŵa. . . iyo nthena wakapanga nayo ubwezi wakugonana chara na mwanakazi apo iyo wakaŵa serpente, kweni kumbukirani. . .

288 Ine nkhaŵa na kususkana zuŵa linyake na...ntha kususkana, mupharazgi waka wa Assembly of God na wakovwirana nayo, wakati, “Iwe ndiwe wakwananga, pa Icho.”

Ine nkhati, “Inya, ine panji ningaŵa. Ine ningatemwa kuti iwe undiphalire ine.”

289 Iyo wakayowoya pamanyuma, iyo wakadangira ndipo wakayamba kuyowoya za ichi. Chinthu chakudanga iwe ukumanya, iyo mbwenu wakajitimbanizga yekha. Ndipo chinthu chimoza iyo wakayowoya, iyo wakati, “M’bale Branham, kasi mtundu ula ulinkhu? Chiuta wakati ‘chimoza cha mtundu wake.’ Sono kasi ulinkhu mtundu uwo iwe ukayowoya ukaŵa pakatikati pa munthu na chikoko, uwo sayansi ntha yikumanya kuwusanga sono? Kasi iyo walinkhu?” Wakati, “Kasi iyo wali pa charu chapasi? Kasi iyo wakaŵa chimpanzee?”

290 “Chara, chifukwa ndopa za chimpanzee zingasazgikana chara na za mwanakazi, kulije chinyama chinyake chingasazgikana na za mwanakazi. Chara, ichi chingachitika chara, nesi wanarumi wa mwanarumi ungasazgikana chara na—na mwanakazi. Ichi chingachita chara ichi.”

291 “Ntheura kasi chirinkhu chinyama chinyake icho? Sono, Chiuta wakati, ‘Rekani chirichose chipambike kwakulingana na mtundu wake.’”

292 Ine nkhalindizga miniti pera. Ndipo kunowa kwa Mzimu Mutuŵa kukati, “Muphalire iyo, ‘Ichi chiri pano.’”

Sono, pakudanga ine nkhati, “Inya, uwu panji uli kumara.”

Iyo wakati, “Kweni, M’bale Branham, kuti, ise tikuyowoya za Mazgu, tikuchita chara ise?”

293 Ine nkhati, “Inya, bwana.” Ndipo ine nkhati, “Iwo, nkhumanya, ŵakuyowoya kuti vinthu vinyake, ngati ŵakaŵaŵa ŵakuruŵakuru na—na zovu zikuruzikuru, na vinyake ntheura, zovu zikuruzikuru, zovu zikuruzikuru, mphanyiko, izo ziri kumara, na vinyake ntheura.” Ine nkhati, “Ichi panji chikaŵa ntheura.”

294 Iyo wakati, “M’bale Branham, ise tikuyowoya za chisimikizgo cha Mazgu. Usange kwananga kuliko apa; ntheura, kwananga kwa pakudanga, uku kukwenera kuŵaso apa.”

295 Ndipo ine nkhati, “Fumu Yesu, Imwe mukati, ‘Ntha ungaghanaghaniranga icho iwe wamkuyowoya para iwe wafika panthazi pa munthu, chifukwa ichi chizamkuperekeka kwa iwe mu ora lira.’ Fumu, kasi ine ndiyowoye vichi?” Iyo wakati, “Muphalire iyo, ‘Ichi chiri pano.’” Kuyana waka naumo ine nkhuwonera mboniwoni pa gome.

296 Ine nkhati, “Ichi chiri pano,” kwambura kumanya chirinkhu.

Iyo wakati, “Nkhu?”

Ndipo pambere ine nkhaŵa kuti nindaghanaghane, Iyo wakati, “Ichi ndi serpente.”

²⁹⁷ Icho ndendende ndicho chikaŵa, pakuti ichi ndi chikoko chara. Iyo wakatembeka ndipo wakaŵikika pa nthumbo yake mazuŵa ghake ghose. Iyo wali pano. Ndi unenesko uwo? [Gulu likuti, “Amen.”—Munozgi.] Ndipo wachali mu kuchita kula uko iyo wakachita, yichalipo milimo yeneyira yakwananga pa mwanakazi, ngati mtundu wa chanarumi ngati nthaura. Apo ndipo iyo waliri na mawonekero gha maso ghake ghatuŵa na vinthu, para iyo wali na kunyerenyeska kwake kukuru chomene kujumpha uko mwanarumi waliyose wakamanya kuchita.

²⁹⁸ Ine ndilekezgerenge apo chifukwa ise ndise gulu lakusakanikirana. Ine nditorenge ŵanarumi ŵanyake, ine ndi. . . ise tizamkuyowoya vinandi za ichi. Ndiri na mapepara ghose na vinthu viri nkhanira apa, nkhanira mu woko lane sono nthena, ndipo ine nakhumbanga kuti ndichipereke ichi kwa imwe mlenji uwu. Ine nate nditorenge zuŵa lose mu ichi, kweni ine ndijarengeso sono mu kuyowoya ichi.

²⁹⁹ Ichi ntcha ku mpingo wane pera. Ntha mpingo wane. . . Mskambo uchoko uwo ukundigomezga ine na kundirondezga ine, ichi ntcha kwa iwo.

³⁰⁰ Zuŵa linyake, pakumanya kuti para ine nkhumuphalirani imwe chinyake, ichi chikwenera kwiza NTHEURA WAKUTI YEHOVA, pamanyuma ine nkhaŵa na Malemba umo Iyo wakavumburira ichi kwa ine. Kweni, “Fumu Chiuta, kasi ine ningayowoya vichi ku gulu lira? Ine ndiŵenge na ŵakupatukana. Mwanarumi wamkukhala pa khonde uko mu baraza, na kunyake kulikose, ‘Kasi ine ndimuleke iyo?’ Ŵanakazi, ‘Kasi ine ndimuleke mfumu wane?’ ‘Kasi ine ndichite vichi?’” Ine nkhati, “Fumu, kasi ine ndichite vichi?”

³⁰¹ Chinyake chikati kwa ine, “Ruta muchanya mu phiri, ndipo Ine ndamkuyowoya kwa iwe.”

³⁰² Ndipo apo ine nkhaŵa muchanya mu phiri, kwambura kumanya kuti kusika mu Tucson iwo ŵakachiwonanga Ichi. Kweni nanga ndi ŵasambizgi ŵakaŵachema ŵana kufuma. . . mwana wane muchoko msungwana na iwo, kufuma mu chipinda pa sukulu, ndipo ŵakati, “Laŵiskani muchanya mu phiri lira! Muli Bingu lamawonekero gha moto likuruta muchanya mu mphepo na kukhiranga pasi, kurutanga muchanya mu mphepo na kukhiranga pasi.” Uchindami kwa Chiuta.

³⁰³ Mrs. Evans, kasi iwe uli muno? Ronnie, iwe uli muno? Ine nkhafika nkhiba ku filing’i steshoni, mnyamata muchoko uyu pa filing’i steshoni, filing’i steshoni ya Evans kula. Ndipo pambere ine nindamanye icho mnyamata wakati wayowoyenge, iyo wakandikwaska ine pa rundi lane, iyo wakati, “M’bale Branham, iwe wanguŵa muchanya mu phiri lira kudera uko, wanguŵa iwe chara?”

304 Ine nkhati, “Kasi iwe ukung’anamura vichi, Ronnie? Chara,” wonani, kuti ndiwone icho iyo wachitenge. Nyengo zinandi vinthu vikuchitika, ine nthā, iwe nthā ukuyowoya ichi ku wanthu. Ichi chikuzgoka...Nkhani ya ichi njakuti, iwe ukuwona vinandi chomene vikuchitika, ichi chikuwa chakuzgowerera kwa iwe. Mukuwona? Ine nkhuwaphalira waka chara wanthu. Ine nkhati, “Ronnie, kasi iwe . . .”

305 Iyo wakati, “ine ningamanya kukuwoneska iwe nkhanira apo iwe wanguwa.” Wakati, “ine nkhawachema amama, ndipo ise tikayimirira apa ndipo tikaliwona Bingu lira kulenderanga muchanya kula, kukweranga na kukhiranga. Ine nkhati, ‘Wakwenera kuwa M’bale Branham wakhala kuchanya uko pa malo ghanyake. Yura ndi Chiuta wakuyowoya kwa iyo.’”

306 Ndipo msumba wose, wanthu, wakalawiska pa Ichi. Pa zuwa lakuwara mbe lambura mabingu palipose napachoko, na Bingu likuru ili lakuphyuwara kulenderanga kula; kukhiranga pasi ngati fanelu, na kuwereranga na kutambasukanga.

307 Wabwezi, ndipo nthura ine nkhuwara, imwe mungamanya kuruta kufuma pa ichi. Apa ndi penepapo Ichi chikavumbukwanga kwa ine, icho ine ndimuphalireninge imwe sono nthura, nthura kuchiphonya chara Ichi.

308 Sono ine nkhuwoyoya ku wakutirondeza withu pera, awo wakundirondeza ine na Uthenga uwu pera, nthā wakuwaro. Mundikhalire ukaboni ine pa ichi panthazi pa Chiuta. Ku gulu waka ili pera!

309 Sono ise tikusangika mu nthimbanizgo iyi chifukwa cha kumasulira kwaujira vyauchita. Ndi unenesko uwo? Ndicho chifukwa imwe mwaananakazi mukatengwa kachiwiri, ndipo imwe mwaanarumi, chifukwa cha kumasulira kwaujira vyauchiuta. Sono ine nkhuwumba kuti ine ndimuwoneskeni imwe chinyake icho Iyo wakandiphalira ine.

310 Ndipo usange Chiuta, Mlengi withu, wakafumbika fumbo para Iyo waka wa pano pa charu chapasi, Yesu Khristu; ndipo para muprofeti Wake wakuwombora wakati wafika, Moses, kula ku Egupto, kuti wawatore wana kufuma—kufuma mu Egupto, kuti waka wawike iwo mu charu cha phangano; ndipo Yesu wakayowoya apa kuti Moses wakawona wanthu wali mu kawiro aka, ndipo iyo waka wazomerezga iwo kulemba kalata wa chipati, chifukwa kawiro kaka wa umo kaka wira. Moses wakasanga chantheura, ngati, “Wakamuzomerezga iyo kuwazomerezga . . .” Chiuta wakamuzomerezga Moses, muprofeti yura wakatumika ku wanthu, kuti wapereke kalata iyi ya chipati kwa iwo.

311 Ndipo mu Wakorinte Wakudanga, a—chipatulo 7, vesi 12 na 15, mu muprofeti wa Chipangano Chiphya, Paulos, uyo wakakumana na chinthu chenechira mu mpingo, ndipo

wakayowoya ichi, “Ichi ndine, nthā Fumu.” Mbunenesko uwo? Chifukwa cha kaŵiro kakupatana.

312 “Ichi nthā chikaŵa nthēura kufuma ku chiyambi.” Kweni Moses wakazomerezga ichi, ndipo Chiuta wakatora ichi kuŵa chaurunji. Ndipo Paulos nayo wakaŵa nagho mazaza, para iyo wakati wausanga mpingo wake mu kaŵiro kala.

313 Sono imwe gomezgani Ichi kuti ndi unenesko, ndipo gomezgani Ichi kuti chafuma kwa Chiuta! Ndipo mwa kukhozgera kwa Bingu Lake na Uthenga Wake uwo wandifiska ine apa, wangachita chara Chiuta pa phiri kundizomerezga ine kuchita chinthu chenechira, kumuzomerezgani imwe kuti murute umo imwe muliri, na kuchitaso chara ichi! Rutani na ŵawoli ŵinu ndipo mukakhale mu mtende, pakuti nyengo yamara. Kwiza kwa Fumu kuli pafupi. Ise tilije nyengo yakuti tipataule vinthu ivi. Ntha imwe mungachitanga chikanga kuyezga kuti muchiteso ichi! Ine nkhuoyowoya ku gulu lane pera. Kweni usange imwe muli mu nthengwa. . . Ndipo Chiuta wakandichitira ukaboni ine pa icho, pa phiri, kuti ine ningamanya kuoyowoya Ichi, uvumbuzi wauzimu, chifukwa cha kujurika kwa Vididimizgo Seveni, ndipo ili ndi fumbo mu Mazgu gha Chiuta. “Ŵarekeni iwo ŵarutirire umo iwo ŵaliri, ndipo kukanangaso chara!”

314 “Ichi chikaŵa nthēura chara kufuma ku chiyambi.” Uwo ndi unenesko, ichi chikaŵa nthēura chara, ndipo ichi nthā chizamkuŵa nthēura pa umaliro. Kweni pasi pa kaŵiro kasono, ngati mutēweti wa Chiuta. . . Ine nthā ndijizunurenge ndamwene muprofeti Wake; kweni ine nkhuomezga panyake, usange ine nthā nkhatumika chifukwa cha icho, ine nkhumunozgera malo iyo para iyo wakwiza. Nthēura pasi pa kaŵiro kasono, ine nkukulangura iwe kuti urute ku nyumba yako, na muwoli wako sono. Usange iwe ndiwe wakukondwa na iyo, khalanga na iyo, lerani ŵana ŵinu mu kuwopa Chiuta. Kweni Chiuta wamulengereni lusungu imwe usange imwe muzamkuchitaso icho! Imwe musambizge ŵana ŵinu kuti nthā ŵangazakachitanga chinthu chanthēura icho, ŵalereni iwo mu kuwopa Chiuta. Ndipo sono pakuti imwe muli umo imwe muliri, tiyeni ise tirutenge sono, pa nyengo yaumaliro yakumise umo ise tikukhala, ndipo “tingangamike kurazga ku ntchemo yikuru mwa Khristu,” uko vinthu vyose vizamkuŵa vyamachitiko.

315 Mpaka ine ndizakamuwoneni imwe usiku uwu, Fumu Chiuta wamutumbikeni imwe, apo ise tikurumba.

316 Fumu Chiuta, ise tikumuwongani Imwe. Ise tikumurumbani Imwe. Imwe ndimwe Yehova mukuru mweneyura mwaŵeneimwe mukamuzomerezga Moses. Moses, mutēweti yura, ndipo kasi nthēna wakaŵaphalira vichi ŵanthu ŵake? Ndipo, Chiuta, Imwe mukamuzomerezga iyo kupereka kalata wa chipati. Paulos, mupostole mukuru uyo wakaŵa mlembi

wa Chipangano Chiphya, umo Moses wakaŵira wa Chakale. Moses wakalemba Marango na vigaŵa vya nyengo za marango. Ŵaprofeti ŵanandi, mazgu ghawo ghakanjira mu Ichi, kweni Moses wakalemba Marango. Ndipo Imwe mukamuzomerezga iyo kalata, kuŵalemba iwo kalata wa chipati, chifukwa cha unonono wa mitima yawo.

317 Mukuru Paulos Mutuŵa, pakuŵa mlembi wa Chipangano Chiphya, nayoso wakamanya kupanga makani ghantheura, kuti, “ine nkhuoyoya pasi pa kaŵiro aka; ine, nthu Fumu.”

318 Ntheura ndimo kuliri muhanyauno, Fumu Chiuta, pa umaliro wa charu, apo ise tiri pano pasi pa lusungu lwa Chiuta, pakumanya kuti mwasonosono ise tizamkuzgora mu Kuŵapo Kwake. Ndipo kuti Imwe mwachita vikuru ntheura, Fumu, ine nkhuomezga, mu maso gha ŵanthu aŵa, iwo ŵakoreskenge ku Ichi ngati kuti Ichi chafuma kwa Imwe. Ndipo kuchitira ukaboni pano muhanyauno, wa ŵanthu ŵanandi ŵakhala muno nanga ndi awo ŵakachiwona Chimanyikwirowo muchanya mu phiri, uko Ŵangelo ŵa Fumu ŵakiza mu kavuluvulu, uko chikiza mu Ŵangelo seveni, uko kuvumbukwa kwa Vyamchindindi Seveni kukamasulika; ndipo Mungelo mweneyura, mu nthowa yeneyira, pa phiri lenelira, zuŵa apo Ichi chikavumbukwira!

319 Chiuta, ine nkhuromba kuti ŵanthu ŵarute ku nyumba pakuŵa ŵakuwonga kuti Chiuta wapereka uchizi uwu kwa iwo. Ine nanguyowoya waka Ichi, Fumu, kwizira mu kuzomerezgeka. Ndipo ine nkhuoyoya Ichi kwizira mu kuzomerezgeka pera, Fumu. Ndipo zomerezgani ŵanthu ŵaŵe ŵakuwonga chomene kuti iwo nthu ŵangazakayezgangaso kuchita kwananga uko! Ndipo nkhuromba iwo nthu ŵangayezgangaso kuchita kwananga, kweni ŵamutemweni Imwe na mitima yawo yose. Fumu, pangani mabanja agha ghakukondwa, ndipo nkhuromba igho ghakure na kulera ŵana ŵawo mu kuwopa Chiuta.

320 Pakuti, Uthenga wane uwo wanguŵa pa mtima wane waperekeka, Fumu. Ine ndachita chose ine nkhumanya umo ningachitira. Ndipo Satana wakhala wakulimbana nane kwa masabata, na maora kwambura kugona. Kweni sono ine nkhuangura Ichi, Fumu, ku ŵanthu aŵa, kuti iwo ŵakaŵazge Ichi, ndipo ŵarute na kukakhalira umoyo Imwe. Perekani ichi, Fumu. Ichi chafumapo pa mapewa ghane sono. Iwo ŵali mu mawoko Ghinu. Ine nkhuromba kuti Imwe muŵatumbike iwo.

321 Tumbikani mathaulo agha, Fumu, agho ghaŵikika waka apa, gha ŵarwari na ŵakukomwa. Nkhuromba usiku uwu uŵe umoza wa ghakuru chomene, mausiku ghankhongono, kuti ŵanthu wose ŵachirenge. Perekani ichi, Fumu. Titumbikeni ise pamoza.

322 Nkhuromba ise tirute mu mtende, ŵakukondwa, kusekereranga, chifukwa Chiuta wa chakulengeka watiwoneska ise “kufuma ku chiyambi,” ndipo wapereka kwa ise, mu

nthimbanizgo yithu umo ise tiri, uchizi Wake kamozaso, mu mazuwa agha ghaumaliro. O Mukuru ndipo Chiuta Wamuyirayira, umo ise tikumuwongerani Imwe pa ichi! Ndipo tikuromba mitima yithu yiwe yakukondwa chomene, mwakuti ise ntha tizamkuwa na chilakolako chinyake chakuti timwanangireni Imwe. Mu Zina la Yesu. Amen.

Nkhumutemwa, (Murekerengechi imwe
kumutemwa Iyo?) Nkhumutemwa Iyo
Chifukwa wakadanga kunditemwa ine
Wakagula chiponosko chane
Pa Mphinjika . . .

³²³ Ine nkhuoyoya ichi sono mwantheura kuti wapharazgi wapulikiske. Ichi ntcha iwo awo wakurondezga Uthenga uwu pera!

³²⁴ O, kasi imwe mwakondwa? [Gulu likuti, “Amen.”—Munozgi.] Ine ndamuphalirani imwe Unenesko, NTHEURA WAKUTI YEHOVA, ulendo wose! [“Amen!”]

³²⁵ Sono tiyeni ise tiyimirire ndipo tikwezge mawoko ghithu, apo ise tikwimbaso iyi, “ine nkhumutemwa Iyo.” Ine nkhumutemwa Iyo chifukwa cha uchizi Wake. Ine nkhumutemwa Iyo chifukwa cha lusungu Lwake. Ine nkhumutemwa Iyo chifukwa cha Mazgu Ghake. “Ndipo Mazgu gha Yehova ghakiza ku waprofeti!”

Nkhumutemwa.

³²⁶ Zanga, m'bale. Rutirizga.



NTHENGWA NA KUPATANA CTK65-0221M
(Marriage And Divorce)

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Sabata mlenji, Feburuware 21, 1965, pa Parkview Junior High School mu Jeffersonville, Indiana, U.S.A., ndipo uli kutoreka kufuma ku tepi ya magineti yakujambulika ndipo walembeke kwambura kusinthika mu Chingerezi. Kutanthauzira uku kwa Chitumbuka kukalembeke na kugawika na wa Voice Of God Recordings.

CHITUMBUKA

©2017 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuwikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umu tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org